

梅

吳

選

曲

國立第一中山大學出版部印



國立中山大學敬贈

曲選

北曲部 南北合套附

秦淮遊賞

明陳大猷

（黃鐘醉花陰）深淺荷花二三里。彷彿似王維畫裏。涼雨過晚風微。小舫輕移。來往垂楊底。好風景喜追陪。萬斛塵襟皆蕩洗。（喜遷鶯）人生佳

會。與詞林三五相知。忘機。盡部是儒林布衣。睥睨乾坤更許誰。湖海氣選。一會價藏闖賭令一會價射覆分題。（出隊子）五陵佳氣。笑談間出衆奇。一個個子瞻文藻誰相齊。司馬才華可並推。杜牧疏狂堪共比。（么篇）東

吳佳麗。水雲鄉事事宜。幾行沙鳥傍人飛。數點征帆帶雨歸。一片漁歌花外起。（刮地風）多少興亡殘照裏。鎖蒼烟禾黍高抵。慨淒涼自古繁華地。物換星移。一處處古臺幽砌。一叢叢野花荒齊。梁家爭。晉家霸。你與我廢。從前不索題。笑呵呵且自銜杯。（西門子）列金釵十二雲鬟立。綺羅

交珠翠圍。秦淮十里南風醉。問仙姝來怎遲。金縷歌。象板催。樂陶陶儘  
 拚沉醉歸。錦瑟又彈。鳳管又吹。一弄兒歌聲潤美。(水仙子)將將將日  
 墜西。見見見雪浪驚濤拍岸回。紛紛紛宿鳥飛遠。閃閃閃殘霞飄墜。呀呀  
 呀兩三家半掩扉。喜喜喜送黃昏遠寺鐘聲碎。看看看燈火見依稀。尾聲  
 載酒重來是何日。重來時切莫相違。當言道閒處光陰能享幾。

## 賞秋

元劉東生

選

(黃鐘醉花陰) 玉宇金風送殘暑。半霎兒輕雲細雨。秋意滿庭除。珊枕紗  
 幙頓覺涼如許。(喜遷鶯) 欲試繡羅襦。喚小玉薰龍涎熏翠縷。睡紅生玉  
 。映菱花秋水芙蓉。粧梳。點蘭膏和鳳酥。百寶光涵絡臂珠。整佩琚。步  
 雲階縹緲。對秋景歡娛。出隊子 綠窗朱戶。弄新晴曉日初。合歡牀鋪  
 苦翠氈。連珠幄纓聯珠珞。一似蓬島仙家碧玉壺。(卜) 篇園林景物  
 。寫秋光作畫圖。芙蓉傍水錦千株。丹桂迎風香萬樹。掩映看楊柳梧桐深

密處。(公篇)紫薇香露。染霞綉攢細粟。鳳仙開九苞秋暖錦毛舒。玉簪綻  
六出花含檀韻吐。又早見亂撒金錢籬下菊。(公篇)淡烟濃霧。看山光乍有  
無。伊壓壓賓鴻出塞遠相呼。嗚唧唧社燕辭巢嬌對話。滴溜溜紅葉隨風零  
亂舞。(刮地風)一弄見秋聲不斷續。真乃是萬籟笙竽。一年好景休虛負。  
漸看那柳敗荷枯。畫屏般碧雲紅樹。綿繡似彩鴛白鷺。爽氣浮。日影疎。  
送長天落霞孤鶩。掃織塵。淨太虛。見冰輪飛出雲衢。(匹子門)剔團圓  
碾破銀河路。放寒光照九區。上南樓似入清虛府。捲珠簾遙望舒。列玳筵  
。倒玉壺。簫聲似彩鸞雙鳳雛。引小鬢。擁豔妹。擺列着清歌妙舞。(水  
仙子)沿金波。泛綠醕。直吃到斗柄橫斜桂影疎。畫燭高燒。玉山低促。  
拚着個沉醉花前紅袖扶。問嫦娥今夜何如。願天長地久爲眷屬。這是的人  
間天上團圓處。儘今生歡愛永無虞。寒兒令)煞強如。煞強如。廣寒宮一  
世幽居。常則是舞罷霓裳鏡鸞孤。珊枕剩。翠衾餘。空自把青春誤。(掛

金索（光燦燦）月交輝。素魄流香霧。嬌滴滴粉黛成行。清影涵瓊樹。立  
 亭亭羅襪生涼。疑是凌波步。飄飄霜袂乘風。恍若飛仙去。（尾聲）不覺  
 涼生桂花露。猶兀自醉眼橫斜。共倚着欄杆十二曲。

## 閨思

元關漢卿

曲

（黃鐘侍香金童）春闈院宇。柳絮飄香雪。簾幕輕寒雨乍歇。東風落花迷粉  
 蝶。芍藥初開。海棠纔謝。（么篇）柔腸脈脈。新愁千萬疊。偶記年前人乍  
 別。秦臺玉簫聲斷絕。雁底關山。馬頭明月。（降黃龍袞）鱗鴻無個。錦箋  
 慵寫。腕鬆金。肌削玉。羅衣寬徹。淚痕淹破。胭脂雙頰。寶鑑愁臨。翠  
 鈿羞貼。（么篇）等閒辜負。好天良夜。玉爐中。銀台上。香消燭滅。鳳幃  
 冷落。鴛衾虛設。玉笋頻搓。繡鞋重跌。（出隊子）聽子規啼血。又西樓角  
 韻咽。半簾花影自橫斜。畫簷間。丁東風弄鐵。紗窗外。琅玕敲瘦節。（么篇）銅  
 壺玉漏催淒切。正更蘭人靜也。金閨瀟灑轉傷嗟。蓮步輕移喚侍妾。把香

選

卓兒安排打快些。(神仗兒煞)深沉院舍。蟾光皎潔。整頓了羅裳。把名香  
謹爇。深深拜罷。頻頻禱祝。不求富貴豪奢。只願得俺兩人早早圓聚者

春遊

明楊彥華

曲

(正宮端正好)柳輕柔。花嬌媚。春雲淡日色輝輝。曉來枝上鶯聲細。似喚  
起遊春意。(滾繡珠)柳陰中驕馬嘶。花陰外好鳥啼。看蜂蝶採花成隊。巧丹青  
粧點屏圍。這壁廂令鼓催。那壁廂妙舞宜。採花枝玉織相遞。戲鞦韆畫板沾泥  
。高張翠蓋嬌紅粉。慣走青驄俊綠衣。堪貴堪題。(倘秀才)牡丹亭嬌容膩  
體。芍藥圃濃香豔蕊。玉蕊山茶間紫薇。素珍珠明含笑。紅錦被映荼薇。  
海棠花似烟霞照水。(脫布衣)一處處士女遊嬉。一攢攢醉客尊罍。一簇簇笙  
歌韻美。一步步管絃聲沸。(小梁州)沽酒樓前人聚集。掩映疏籬。桃花似  
錦柳依依。蒸和氣。賽閩苑勝瑤池。(么篇)江南自古繁華地。勝追遊盡醉  
方歸。波動處綠鴨浮。沙暖處紅鴛睡。風流佳致。省可裡杜鵑啼。(煞尾)遊

選

春不覺金烏墜。乘興還隨玉兔回。倒玉頰山醉似泥。相賞休遲。莫負芳菲  
看了這萬紫千紅端的是畫圖裏

贈羅江城

明 陳蓋卿

（正宮端正好）不放綠樽空。不厭青山眺。任疏狂白髮蕭騷。好將大夢閑中  
覺。倚杖掀髯笑。（滾繡球）破窮愁充棟書。傲風塵短布袍。有臥竹林稽康才調。

有醉樓頭孫楚丰標。恰候芭閣奇字還。又淮南叢桂招。對西風欹斜烏帽。伴殘陽歸

路醅醕。百年身向柴桑隱。千載名懸山斗高。懶慢由巢。（倘秀才）常對局

還藏圖畫閣。常踏雪披雲萬壑。常選勝在野草閑花朱雀橋。常載酒。長干道。

興盡還休。塞鴻秋）羞將短刺懷中抱。愛將香餌溪邊釣。翻將古曲琴心操

。攜將細茗花前淪。人生似寄身。可負當場笑。因此上年來寡和陽春調。

脫布衫）你也會採芹香泮水遊遨。你也會聽鐘聲蘭若逍遙。你也會探幽谷騎牛

玄妙。你也會悟濠梁羨魚的真樂。（小梁州）你也會笑倩盧姬鬪舞腰。你也會

按吳鈞光射青霄。你也會揮毫池上墨花飄。你也會千金諾。你也會罵坐氣粗豪。（公篇）承歡膝下弓裘紹。盡翩翩文雅風騷。見如今婚嫁完。只合訂溪山約。閑閑懷抱。犯今古問漁樵。（煞尾）千秋人物樽前弔。六代河山賦裏描。擔不負風流江表。消與你金石投交。雲水相邀。月上溪頭共傾倒。

漁家樂

元闕名

選

（正宮端正好）釣艇小。苦寒波。篋笠軟。欺風雨。打漁人活計蕭疎。儂家鸚鵡洲邊住。對江景真堪趣。（滾繡球）白蘋渡。如雪堆。紅蓼灘。似錦鋪。野閣自來自去。暮雲開。或捲或舒。日已無。月漸出。映燈光。滿川修竹。勁風聲兩岸黃蘆。收綸罷釣尋歸去。美酒魚鮮樂有餘。此樂誰如。（倘秀才）睡時節把扁舟纜住。覺來也流在蘆花淺處。蕩蕩悠悠無束拘。市朝遠。故人疎。有樵夫作伴侶。（脫布衫）雨纔過山色模糊。日初升樹影扶疎。却離了聚野猿白雲洞口。早來到散清風綠陰深處。（醉太平）相逢伴侶。豈問賢愚



。人間開口說樵夫。俺會談今論古。放懷講會詩中句。忘憂飲會杯中趣。消閒釣會水中魚。心足意足。(尾聲)樵夫別我山中去。我別樵夫水上居。來日相逢共一處。旋打香醪旋取魚。散誕逍遙看古書。問甚麼誰是誰非俺兩個慢慢的數。

送葉泮西內臺

明金白嶼

曲

選

(正宮端正好)雪纔晴。寒猶重。正扶桑曉日曛曛。宿醒未解離歌動。驚起幽人夢。(流繡球)我恰纔望覓旌霄漢間。走天街塵霧中。也不知繞畫橋幾多車從。鳳臺西。白鷺州東。詩吟數三五篇。酒斟來十數鍾。他那裏錦鞦低控。紫貂裘斜壓青驄。逍遙江樹人千里。縹渺雲山路幾重。別恨匆匆。(倘秀才)只見風灑灑寒潮亂湧。烟漠漠孤峯半聳。回首天涯西復東。嗟浪跡。嘆浮踪。離懷萬種。(賽鴻秋)我這裏年來萬樹桃花洞。春來句幾椒花頌。閑來一枕梨花夢。醒來數曲梅花弄。雖爲堯舜農。不識商周貢。爭如你孤鳴久作丹

山鳳。(脫布衫)本先朝禮樂名公。况傳家忠孝門風。論道德常遵周孔。說勳庸久推姚宋。(小梁州)恰道當年許敬宗。價追尋青白遺踪。百年宦轍臺初通。還珍重。更詞氣蕩雍雍。(公篇)美才只合爲時用。多袍寬滿座春風。思雅致。懷高詠。止不過暫時陪奉。何日再相逢。(貨郎兒)又買了幾盞兒江頭新甕。醉不了我衰年老翁。現放着竹爐湯沸火初紅。那些箇暮雲春樹。渭北江東。只落的野渡無人舟自橫。(醉太平)從今後輕裝細雨。匹馬西風。行行遙聽景陽鐘。望天門九重。黃塵古道衝寒凍。青燈旅館添歸夢。白雲親舍覓征鴻。正值着暮冬。(煞尾)南臺萬里重相送。北闕三年始奏功。那時節聖明端拱。九五飛龍。環珮春風。獨向新年荷新寵。

## 園亭賞大紅牡丹

明金白嶼

(仙呂點絳脣)麗日偏長。煖風初蕩。亭台上。多少春光。堪與遊人賞。  
(混江龍)這也是主人情況。等閑開宴出紅粧。絳羅高捲。繡幙低張。萬里

妖燒誇國色。十分佳麗逞天香。喜孜孜輕颺石榴裙。羞羞嬌嬌閃芙蓉帳。  
 想當日羞稱魏紫。到而今誰數姚黃。(油葫蘆)自古名園說洛陽。說着那月波隄  
 棠棣坊。一任教五陵豪貴盡爭強。那裏也蜂蝶閑來往。儘着他桃李爭開放。  
 嘆芳時有幾多。賞花時能幾場。早蕭蕭白髮三千丈。怎禁他春色笑人忙。  
 (天下樂)看了這笑臉生春酒量香。新粧。點胭脂上海棠。恰勝似列金錢十二  
 行。那買花錢不害疼。惜花心偏較癢。還是侍醉佳人錦瑟旁。(那咍令)纔出  
 的洞房。涇浸浸露涼。剛行過粉牆。雙融融日光。恰來到畫堂。漸微微雨  
 香。金粧成西子。玉碾就楊妃像。怎教他美名兒不占花干。(鵲踏枝)我這裡細  
 度量。不尋帶。着句見推敲。好話兒包藏。不爭你能培慣養。落得個豔抹  
 濃粧。(寄生草)也不用元稹二千字。也不用太白詩一兩章。常只要名花歲歲  
 樽前放。芳樽日日花前釀。清歌夜夜燈前唱。便在那美言詞序不盡你好襟懷。  
 巧丹青畫不出他嬌模樣。(賺煞)說風流衆怎如論富貴。花皆釀。况值着清和豔

鶻。燕子飛來簾半敝。醉淋漓舞袖郎當。轉迴廊。月色蒼蒼。猶自傳杯夜  
未央。剛離了芍藥園旁。却及早沉香亭土。愛你欄白頭翁。常伴着紫雲娘。

### 遊赤壁

(點絳脣) 萬里長江。半空墟浪。鶯濤響。東去茫茫。遠水天一様。(混江龍)  
壬戌秋七月既望。泛舟曷客落何方。過黃泥之坂。遊赤壁之旁。銀漢無聲秋  
氣爽。水波不動晚風涼。明月之句。歌窈窕之章。少然月出東山上。紫  
微噴斗。白露橫江。(油葫蘆) 四顧山光接水光。天一方。山川相互鬱蒼蒼  
。風撼千古人惆悵。崔嵬一帶山雄壯。西望夏口。東望武昌。沿江殺氣三千丈  
。此非是曹孟德困周郎(天下樂) 隱隱雲開覩漢陽。荆地麼囊。幾戰場。下江  
冰流淦鼓響。蒹葭一片遮。舳艫千重長。劉善得漁樵做話講。(那吒令) 橫  
觀賦詩。是皇家棟梁。臨江釀酒。是將軍虎狼。修文懷武。是朝廷紀綱。  
如今安在哉。一代英雄壯。空留下水國魚邦。(鵲踏枝) 水茫茫。樹蒼蒼。

大火西流。烏鵲南翔。浩浩乎不知所往。飄飄乎似覺飛揚。(寄生草、夢漁  
海知一粟。哀生吾之幾場。舉匏樽痛飲偏豪放。挾飛仙羽化真舒暢。歎流  
光易逝多惆悵。當年不爲小喬羞。只今惟有長江浪。(賺煞)休把洞簫吹。  
再把新詞唱。蘇子正中坐掀髯鼓掌。洗盞重新更舉觴。眼縱橫醉倚蓬窓。  
怕疏狂。錯亂了官商。餽饌盤空夜未央。酒入醉鄉。枕藉舟上。不覺的朗  
然紅日出東方

春怨

元楊西菴

選  
(仙呂賞花時)花點蒼台繡不勻。鶯喚垂楊語未真。簾外絮紛紛。日長人困  
，風暖獸烟温(么篇)再不去。闌坐珠樓盼好春。再不去。暗擲金錢卜遠人。只  
一捻小腰身。舊時衣梢。寬放出二三分。(賺煞)調養就舊精神。妝點出嬌風  
韻。鶯息好護春葱一雙玉笋。拂綽了香冷粧匣寶鏡塵。舒展開繁東風兩葉  
眉翠。曉粧新。綰起烏雲。也不管暖日珠簾曬曉頻。從今後鴉鳴不嗔。燈花

休問。一任他子規聲啼破海棠魂。

送汪小村歸廣陵

明金白嶼

(仙呂點絳脣) 四海高情。五湖佳興。詩中景。都收入半卷丹青。落魄  
煞拍手歌隨心令(混江龍)他可也樂天知命。不通姓字不貪名。漁樵故侶  
。鷗鷺閒盟。歡樂較多愁較少。道情爲重利爲輕。常則是棋枰藥裏。酒

頌茶經。厮後倖。滿面見春風和氣。秋水澄清。(天下樂) 落得個半世  
青袍白髮生。想着他前程。水上萍。纔好是哭窮途阮步兵。纔看破眼角兒怕  
待睜。慣轉動脚跟兒怕待行。剛溫熱心腸兒怕待冷。(那吒令)想着他與風雲

18  
選  
曲  
狀形。筆精右丞。託江山寄情。詩工少陵。今日個困林泉此生。氣消禰衡。  
甘守着原憲貧。在甕了相如病。兀自惺惺。(鵲踏枝)愛你個老先生。最多情  
。不忘了十載交遊。又無甚千里途程。駕着個苔溪小艇。來訪我曲水閒亭  
。(寄生草)只把你爲平仲。休猜明是管寧。我和你五侯七貴曾相並。九衢

六市潤相競。千紅萬紫爭相勝。這只待新菊一醉洞庭春。誰承望故人三疊  
 陽關令。(公篇)漸漸的秋容改。看看的暮景生。我只現半天殘照風帆正。  
 數聲短笛漁舟橫。霎時間一江涼月蘆花映。明朝騎鶴止揚州。何時載酒來  
 陶徑。(六公序)聽葉落千林響。正潮回兩岸平。最相關此際離情。亦可  
 甚明掩孤檠。漏下三更。尚兀自難寒袞夢繞金陵。我愁心況復逢衰病。怎禁  
 他一片秋聲。芙蓉未老霜花冷。涼颼漸起。殘月猶明。(賺煞)還將來歲盟。  
 重與今宵訂。須記得江南風景。切莫教霜寒雁影橫。等閒問花老鶯聲。錦  
 層層。冰秀山明。依舊王孫芳草青。折壞你樓書摘星。橋頭橫。灞河也  
 想著莫愁湖畔石頭城。

春暮懷人

阮張小山

(中呂粉蝶兒)花落春歸。怨啼紅杜鵑聲脆。遍園林景物狼籍。草茸茸。花  
 朶朶。柳搖深翠。開遍紫麟。近清明因人天氣。(醉春風)粉暖積蜂鬢。泥

香銜燕嘴。遲遲月影上簾鈎。猶自未起。起。爲想別離。倦餘梳洗。暗生憔悴。(迎仙客)香篆息。鏡塵迷。繡牀幾番和悶倚。金釧鬆。翠鬢委。屈指歸期。粉臉流紅淚。(紅繡鞋)花開盡空閒鶯砌。日初長靜掩朱扉。繫垂楊何處玉驄嘶。落謔家風月館。知那裏燕鶯期。話叮嚀不記得。(十二月)恰便似鴛鴦拆離。鸞鳳分飛。鸚鵡獨宿。燕燕孤栖。傳芳信歸鴻杳杳。雙鯉遲遲。(堯民歌)呀。因此上美甘甘風月久相違。冷清清歡會杳無期。靜巖巖燈火掩深閨。清耿耿離魂繞孤幃。傷悲。雕鞍去不歸。都則爲辜負韶華日。耍孩兒自別來無一紙真消息。日近長安那裏。倚危樓險化作望夫石。暮雲烟樹淒迷。春心幾度憑歸雁。望眼終朝怨落暉。愁無寐。昏秋水揉紅淚眼。漢春山蹙損蛾眉。煞想當初教吹簫月下歡。笑藏鬪花底杯。如今花月成淹滯。月團圓緊把浮雲閉。花燦爛頻遭驟雨催。成何濟。花開須謝。月滿須虧。(煞尾)嘆春歸人未歸。盼佳期未有期。要相逢料得別無計。



則除是一枕餘香夢兒裏

述後赤壁賦

明名 闕

曲

選

(中呂粉蝶兒)十月之初。步雪堂孟冬時序。有臨臬二客從余。過黃泥。木葉脫。滿天霜露。人影模糊。向青天仰觀蟾兔。醉春風。顧樂以行歌。相酬還嘆取。今夜有佳賓無酒更無肴。真個是苦。苦。苦。月朗風清。好天良夜。怎生虛負。(紅繡鞋)有客語停舟薄暮。柳陰中網得游魚。細鱗巨口狀如鱸。山妻藏斗酒。專以待供需。因此上赤壁游重弔古。(普天樂)雪山傾。洪濤怒。山高月小。水落石出。江流半夜聲。斷岸十餘處。日月攬梭飛鳥兔。玩江山不可重復。踞虎狼險窟。登虬龍禹廟。舉鵬鷺巢居。(耍孩兒)劃然長嘯潯陽路。草木動山鳴應谷。悄而悲恐凜而乎。放中流烟水模糊。半江洶湧波濤怒。四顧寂寥人影孤。見孤鶴橫江去。衣如玄縞。翅若輪車。(么篇)長鳴兩三聲。高飛二里餘。須臾一夢神仙遇。臨臬之下揖而語。赤壁之遊

樂矣乎。問名子留不住，俛而不答。噫嘆嗚呼。（煞尾）疇昔之夜終。飛鳴過我居。道士顧笑予驚悟。開戶視之不知處。

### 西湖遊賞

元貫酸齋

（北中呂粉蝶兒）描不上小扇輕羅。便是真蓬萊賽他不過。雖然是比不得百二山河。一壁廂嵌不堪。連綠野。端的有亨臺百座。暗想東坡。逋仙詩有誰

酬和。（南泣顏回）漫說鳳凰坡。怎比繁華江左。無窮千古。真個是勝跡留多。烟籠霧鎖。繞六橋翠嶂如螺錯。青靄靄山抹如藍。碧澄澄水泛金波。

北石榴花。三則見採蓮人唱採蓮歌。端的是勝景勝其他。看那遠峯倒影蘸

清波。晴嵐翠鎖。怪石嵯峨。三則見沙鷗數點湖光破。咿咿啞啞。櫓聲搖

過。則見女嬌羞倚定雕欄坐。恰便是寶鑑對嫦娥。（南泣顏回）緣何。樂事

賞心多。詩朋酒侶吟哦。花濃酒豔。破除萬事無過。嬉遊玩賞。對清風皓

月安然坐。任春夏秋月冬天。但適興四時皆可。（北鬪鶴鶉）關擗擗。急管繁

## 曲

## 選

絃。齊臻臻 蘭舟畫舸。嬌滴滴 紛黛相連。顛巍巍 翠雲萬朵。端的是 洗古磨  
 今錦繡窩。你不信試觀呵。綠依依 楊柳千枝。紅馥馥 芙蕖萬顆。(南撲燈  
 蛾)清風送蕙香。岫月穿雲破。清湛湛 水光浮嵐碧。嚮嚮曉鐘兒敲破。  
 嗚咽咽 猿啼古嶺。見對對 鴛鴦戲着晴波。迢迢似漁舟釣艇。美甘甘一湖明  
 鏡照嫦娥。(北上小樓)密匝匝 那一窩。疏刺刺 這幾夥。我這裏 對着清風。  
 倚着清風。泛着清波。微雨初收。微烟初散。微雲初過。再休題淡粧濃抹  
 。(南撲燈蛾)疊疊的層樓兼畫閣。簇簇的奇葩與異果。遠遠的綠莎茵。茸  
 茸的芳草坡。踉蹌的馬蹄踏破。隱隱似長橋臥波。細裊裊綠柳金拖。我實  
 不不放開眼界。這整齊樓台金碧天上也無多。(尾聲)陰晴晝夜皆行樂。  
 不信這好風景被橫俗人摧挫。再尋個風雅的湖山何處可。

## 湖山晚歸

元 張小山

(南呂二枝花)長天落彩霞。遠水涵秋鏡。花如人面紅。山似佛頭青。巧畫

圍屏。翠冷松雲徑。嫣然眉黛橫。但携將綺旒濃香。何必賦橫斜疏影。  
 (梁州第七) 挽玉手留連畫舫。踞胡牀指點錢屏。素娥不嫁傷孤另。想當年  
 小小。問何處卿卿。東坡才調。西子娉婷。總相宜千古留名。漫相邀此地  
 陶情。六一泉亭上詩成。三五夜花前月明。十四絃指下風生。可僧。乘興  
 。捧紅牙合和伊州令。萬籟寂。四山靜。幽咽泉流石上聲。鶴怨猿驚。(  
 煞尾) 更那堪巖阿禪窟鳴金磬。波底龍宮樣水晶。夜氣清酒力醒。寶篆消  
 玉漏鳴。笑歸來彷彿有鼓二更。煞強如踏雪尋梅灞橋冷。

喜晤孫子真

明 陳盡卿

(南呂) 一枝花 人從白岳來。星聚清溪上。論心燒獨短。說劍引杯長。想着  
 你結伴王郎。展 孫楚樞頭望。載 盧姬水面粧。俺也曾學陳蕃意殷勤榻下空  
 齋。你可也効李白 醉曹騰歌傳畫舫。(梁州第七) 你只爲望故國白雲迢遞。逐  
 西風素雁翱翔。陽關灑淚愁三唱。無窮別思。有限斜陽。因此上盟寒鷄黍

## 曲

。心盼求羊。隔關河十載參商。斷軒車三徑荒涼。怎得你似山公酒醉在習  
 郁池邊。似裴迪詩和在王維川上。似惠。魚樂在莊叟濠梁。情長。夢長。  
 幸珠還合浦今無恙。兩頻醺。話閒講。青眼相。喜欲狂。意氣飛揚。(罵  
 玉郎)感你個多情范式言無爽。千里拜茅堂。翻教我傷心風木悲悽愴。  
 痛椿萱土一坏。嘆妻孥絃再張。嗟兒女珠連愛。(感皇恩)休問行藏。怕待  
 商量。試看我甌生塵。門羅雀。鬢飛霜。空吟白雪。未試干將。不能勾遇  
 常何。逢伯樂。常只是泣王章。(么篇)誰似你遊戲詞場。播弄風光。貪買  
 笑解明璫。愛籠鵝揮彩筆。思出世泛慈航。情傾管鮑。俠勸令張。龍長嘯  
 阮嗣宗。善清談何平叔。真。史顧長康。(採茶歌)今日個菊初芳。漏偏長  
 。團圓月色照琴窗。我知你肝胆相傾多慷慨。山川如待且徜徉。(煞尾)歡  
 來共倒牀頭釀。你休要興盡先歸溪上航。則這死生交端不把雷陳讓。喜相  
 逢帝鄉。且淹留草堂。明日價重上君君酒樓賞。

## 選

贈陳延之

明 陳盡卿

曲

(南呂一枝花)家無二頃田。囊有三都賦。賢豪新負笈。太史舊遺書。你則要待價沽諸。甘隱南山霧。怎肯輕投明月珠。做了個傲塵世白眼嵇康。冠詩壇驚人杜甫。(梁州第七)有炙轂雕龍伎倆。有囊螢映雪工夫。但揮毫倚馬千言富。西園飛蓋。東洛遊車。花溪釣艇。柳市藍輿。也會向祇園了悟真如。也會向芝房搜檢丹書。酒人隊再入一個高陽。任俠傳新添一個季布。文苑中重見一個相如。狂呼。醉舞。縱橫咳唾皆珠玉。真個是磊落才。汪洋度。風擺虬髯氣概殊。羞煞那委瑣之夫。(隔尾)主盟月旦把清標樹。餘袖風流將大雅扶。方信道陳實文孫善蠅祖。載春醪滿壺。畫南山一軸。正是初度羣仙會瑤圃。(罵玉郎)新詞撰向花間度。開綠綺據蒼梧。稱觴獻壽人如玉。把那蓬萊宮。靈鷲嶺。都移在崇因麓。(感皇恩)一個個意氣蕭疎。語笑歡娛。敘交遊。談今古。說江湖。煙霞伴侶。松竹園廬。也不用覓丹砂。尋白鹿。問麻姑。

選

。（公篇）我與你齟齬追逐。筆硯相須。共登龍。同立雪。惜居諸。到而今塵埋章句。霜染頭顱。怎知你豹成文。計日也囊脫穎。眼見得鳳生雛。（採茶歌）拔泥塗。上天衝。經綸事業壯鴻圖。雖然是司馬無心逢狗監。定知你叔牙有意報夷吾。（煞尾）今日圖南天星降長生錄。北海籌添百歲符。蕭韶九奏慶懸弧。更喜這牆角梅舒。庭端雪舞。燒銀燭。映華堂斑斕五色服。儘今宵酒醉醍醐。

曲

詠梅

元朱庭玉

邊

（大石青杏子）客裏過黃鐘。阿誰道冷落窮冬。玉壺怪得冰漸凍。雲抵四野。霜摧萬木。雪老千峯。（歸塞北）尋梅友。聯轡控青驄。乘興不辭溪路遠。賞心相約灞橋東。臨水見幽叢。（公篇）清更雅。裝就道家風。蕾破嫩黃金的燦。枝橫柔碧玉玲瓏。不與杏桃同。（尾聲）果爲斯花堪珍重。時復暗香浮動。蕭然鼻觀通。依約羅浮舊時夢。

惜別

元朱庭玉

曲

(大石青杏子)遊宦又驅馳。意徘徊執手臨歧。欲留難戀應無計。昨宵好夢。今朝幽怨。何日歸期。(歸塞北)腸斷處。取次作分離。五里短亭八上馬。一聲長嘆淚沾衣。回首各東西。(卜金錢)萬疊雲山。千重烟水。音書縱有憑誰寄。恨縈牽。愁堆積。天天不管人憔悴。(怨別離)感情風物正淒淒。晉山青汾水碧。誰返扁舟蘆花外。歸棹急。驚散鴛鴦相背飛。(催花樂)一鞭行色苦相催。皆因些子。浮名薄利。萍梗飄流無定跡。如在陽關圖畫裡。(催拍子帶賺煞)未飲離杯心先醉。須信道送君千里。怨怨哀哀。悽悽楚楚。苦苦啼啼。唱道分破鸞釵。叮嚀囑付好將息。不枉了男兒墮志氣。消得英雄眼中淚。

選

別恨

元朱庭玉

(般涉調哨遍)疑怪楊花無力。曉來雨霽東風軟。春事又成空。好光陰無



計留連。過禁烟。雲鬢禪綠。霞臉消紅。玉腕鬆金釧。生怕旁人驚問。自言清瘦。不似今年。落花流水景遲遲。芳草斜陽恨綿綿。寶鏡羞看。纖榻慵臨。水綉倦翦。  
公篇金撥空彈。任從塵滿琵琶面。簾幕深深悄無人。

。惟餘燕語鶯喧。怎消遣。雙眸落淚。纖手支頤。往事思量遍。幾度凭高凝望。粧樓十二。客路三千。謾空和月倚欄干。却甚無人伴。鞦韆寂寞小亭。落花庭院。  
煞聲歡會少。緣分淺。音書欲寄憑黃犬。無奈關河路途遠。

## 詠柳

元喬夢符

〔商調集賢賓〕恨青青畫橋東畔柳。曾相送少年遊。散晴雪楊花清畫。又一天心事悠悠。翠絲長不繫雕鞍。碧雲寒空掩朱樓。揜羅袖試將纖玉手。綰東風按損輕柔。同心方勝結。纓絡繡文毬。  
逍遙樂綰不成鴛鴦雙扣。空驚散梢頭。一雙錦鳩。何處忘憂。聽枝上數聲黃栗留。怕不弄春嬌巧轉歌喉。驚回好夢。題起離情。喚醒閒愁。  
醋葫蘆雨晴珠淚收。烟翠黛羞。殢風

## 曲

流還自怨風流。多病不禁秋信徒。早先消瘦。曉風殘月在簾鉤。 (浪來裏煞) 不要你謾雕開花鬢香。蔭蒼苔石徑幽。只要你盼行人終日替我凝眸。只要你重溫灞陵別後酒。如今時候。只要向綠楊深處纜歸舟。

## 客窗值雪

元湯菊莊

## 選

(商調集賢賓) 倚龍泉一聲長歎息。遊子在天涯。添一歲長一分白髮。沿一經飽一世黃齏。風凜凜歲晚江空。水漫漫天闊雲低。梅花笑人猶未歸。看不盡嚴凝景致。玉壺春灑灑。銀海夜淒淒。(逍遙樂) 客窗深閉。不過是香爇龍涎。茶烹鳳髓。紙帳低垂。早難道翠倚紅偎。冷煖年來只自知。捱不徹淒涼滋味。鴛鴦無夢。鴻雁無憑。烏鵲無依。(金菊香) 看別人吹簫跨鳳上瑤池。更有誰乘輿揚舫訪剡溪。真乃是平地白雲三萬里。堪畫堪題。水晶宮翻做了素琉璃。(隨煞) 調琴演楚騷。研硃點周易。風流似黨家。終日醉如泥。磨龍墨。拂鸞箋。呵凍筆。揮寫出乾坤清氣。教人道老袁安空山高臥早

忘機。

退隱

元王實甫

曲

(商調集賢賓) 愁蒼髯笑擎冬夜酒。人事遠老懷幽。志難酬知幾王粲。夢無憑見景的莊周。免饑寒桑麻願足。畢婚嫁兒女心休。百年期六分甘到手，數千支週遍又從頭。笑頻因酒醉。燭換爲詩留。(逍遙樂) 江梅並瘦。檻竹同清。巖松並久。身外何來。笑時人鶴背揚州。明日清風老致優。對綠水青山依舊。曲肱北牖。舒嘯東臬。放眼西樓。(金菊香) 想着那紅塵黃閣昔年差。到如今白髮青袍此地遊。樂桑榆唱酬詩與酒。酒侶詩儔。詩潦倒酒風流。(醋葫蘆) 到春來日遲遲蘭蕙芳。暖溶溶桃李稠。鬧東風鶯燕語啾啾。自焚香下簾清坐久。閒把那絲桐一奏。滌塵襟消盡古今愁。(么篇) 到夏來鎖松陰竹塢亭。栽荷香柳岸舟。有鮮魚鮮藕客堪留。教白鶴遠邀雲外友。展楸枰消磨長晝。較虧盈一笑兩奩收。(么篇) 到秋來醉丹霞樹飽霜。綻金錢菊弄秋。半山

選

殘照掛城頭。老菱香蟹肥堪助酒。正值着登高時候。染霜毫沉醉賦歸休。  
○（公篇）到冬來攪清醅雞語繁。漾茅簷日影稠。壓梅梢時帶雪花留。倚蒲  
團喚童重暖酒。看萬里冰綃染就。有玉維妙手總難酬。（梧葉兒）退一武乾  
坤大。饒一着萬慮休。怕狼虎惡圖謀。遇事休開口。逢人只點頭。見香餌  
莫吞鈎。高抄起經綸大手。（後庭花以下仙呂）住一間蔽風霜茅草邱。穿一  
領臥苔莎粗布裘。捏幾首寫懷抱新詩句。吃幾杯放心胸村務酒。這驢灑臥  
生侯。且喜的身登中壽。有微資堪贍賙。有園亭堪縱遊。保天和自養修。  
放形骸任自由。把塵緣一筆勾。再休題名利友。（青哥兒）呀。閒處曠蜂喧蜂  
喧蟻鬪。靜中笑蝶訕蝶訕鶯羞。你便有快馬難熬我這鈍炕頭見如今蔬果初  
熟。濁酒新篘。豆粥香浮。大叫高謳。睜着眼張着口儘胡謔。這快活誰能  
穀。（浪來裏煞）醉時節盤陀石上眠。飽時節婆娑松下走。困時節布衲裏睡  
齁齁。偶乘間細將玄奧剖。喧把至理一星星參透。却原來括乾坤物我總浮漚。

## 送別

元宋方壺

(越調鬪鶴鶉)落日遙岑。淡烟遠浦。蕭寺疏鐘。戍樓暮鼓。一葉扁舟。數聲去櫓。那慘戚。那淒楚。恰待歡娛。頓成間阻。(紫花兒序)瘦巖巖香消玉減。冷清清夜永更長。孤另另枕剩衾餘。羞花閉月。花雁沉魚。躊躇。

## 曲

## 選

從今後誰寄蕭娘一紙書。無情無緒。水滄藍橋。夢斷華胥。(調笑令)肺腑恨怎舒。三疊陽關愁萬縷。回思當日歡娛處。動離愁暮雲無數。今夜月明何處宿。依依的古岸黃蘆。(禿廝兒)歡娛地不堪舉目。回首處景物蕭疎。星前月下誰共語。漫嗟吁。何如。(聖藥王)別太速。情最苦。鬆金減玉瘦身軀。鬼病添。神思虛。心如刀剗淚如珠。意兒裏懶上七香車。(煞尾)眼睜睜看着他登輿去。痛煞我吹簫伴侶。恰住了送行程一帆風。又添起助離愁半江雨。

## 春遊南山

明康對山

## 曲

(越調鬪鶴鶉)春晝山遊。高朋幸集。雪霽峰陰。雲歸袖裏。欸擁藍橋。輕隨杖履。那從容。那迤邐。勝日尋芳。詞人對壘。(紫花兒序)一處處蜂蟻浪激。一個個興遠才清。一樁樁意暢情怡。長松半偃。芳草初蕤。生意方熙。一派仙音繞翠微。管絃聲細。更那堪澗底波鳴。谷口鶯啼。(小桃紅)淡烟微靄傍人飛。說不盡春遊意。聒耳山禽更如醉。一步一個畫圖隨。龍潭珠斗連天墜。銀河半欹。羅衣新製。醉淋漓含笑索留題。(調笑令)說甚麼翠眉。映金杯。爭似這握手臨溪我共伊。便有鶯鶯燕燕尊前立。怎如咱語話襟期。一在他笑殺山翁醉似泥。此境誰知。(煞尾)從今後逢人好把名兒避。看破那繁華景致。身世似浮雲。人生同逝水。

## 賞春

元王伯成

(越調鬪鶴鶉)酒力禁持。詩魔喚起。紫燕喧喧。黃鶯嚶嚶。紅杏香中。綠楊影裏。麗日遲。節序催。柳線搖金。桃花泛水。(紫花兒序)香馥馥花開

滿路。磨鄰鄰水遠孤舟。綠茸茸芳草煙迷。揚鞭指處。堪畫堪題。依稀。看竹塢人家傍小溪。綵繩高繫。春色飄零。花事狼藉。（小桃紅）一簾紅雨落花飛。醞釀蜂兒密。跨蹇携壺醒還醉。草萋萋。融融沙暖鴛鴦睡。韶光景美。和風暖日。惹起杜鵑啼。（禿廝兒）凝眸處黃鶯子規。動情的綠暗紅稀。鶯慵燕懶蝶紛飛。冷落了。這芳菲。又早春歸。（聖藥王）醉似泥。僕從隨。見小橋流水隔花溪。柳岸西。近古隄。數枝紅杏出疎籬。牆外舞青旗。（煞尾）四圍錦繡繁華地。車馬喧天鬧起。看了這紅紫翠鄉中。堪寫在丹青畫圖裏。

## 秋聲賦

明闕名

（越調鬪鶴鶉）歐陽子方夜讀書。有聲自西南乍警。捲卷神驚。桃燈膽冷。響珊珊密灑疎敲。冷清清無形無影。勢不停。怒轉增。潺潺溪瀑布千尋。捲洶湧波濤萬頃。（紫花兒序）淒涼如飛沙漸瀝。聲惡似驟雨頃盆。呼號若碎泝崩騰。雷

霆霹靂。金鐵鏗鏘。堪驚。又似銜枚赴敵兵。不聞嚴令。但聽蕭蕭。人馬  
 行聲。(小桃紅)我謂童子此何聲。汝出階前聽，童子聞言即從命。到中庭  
 。悄無跡蹤大尤勁。銀河耿耿。疎星光映。相伴月華明。(秦兒令)童子驚  
 。問先生。自沉吟坐到二三更。出戶閒行。倚樹潛聽。聲在樹頭鳴。是商  
 君今夜司征。遵號令法取施行。慘一天橫殺氣。助萬籟起秋聲。聽。好教  
 人感物痛傷情(金蕉葉)其氣懸天高日晶。其聲慘雲騰霧昇。其激烈霜結露  
 凝。其砭人飢寒骨冷(禿廝兒)商君主西方正聲。夷則爲七月之名。於時爲  
 金又象兵。秋爲官。而司刑。可更傷情。(聖藥王)春發生。秋結成。世  
 間草木本無情。草正青。木正榮。忽然當此便凋零。况人乃物之靈。(鬼  
 三台)百憂感心無定。萬事執刑多病。動其中必搖彼精。尙日月有虧盈。笑癡  
 人未省。思其智之所未能。憂其事之所未行。徒形體勞勞。昧心胸冥冥。  
 (煞尾)怪予童子呼無應。正鼾睡垂頭未醒。但聞的四壁和蛩聲。更助我淒涼



伴碎影。

冬怨

曲

(雙調新水令) 梅花一夜漏春工。隔紗窗暗香時送。篆消金睡鴨。簾捲繡蟠龍。去鳳聲中。又題覺半衾夢。(駐馬聽) 心事匆匆。斜倚雲屏愁萬種。情懷冗冗。半欵鴛枕恨千重。金釵剪燭燒絢紅。膽瓶盛水寒偏凍。離思擁。掩流蘇帳暖和誰共。(喬牌兒) 悶懷雙淚擁。恨鎖兩眉峰。自後執手河梁送。離愁天地永。(雁兒落) 琴閒吳麝榻。簫歇秦臺鳳。歌停天上謠。曲罷江東弄。(得勝令) 呀書信寄封封。煙水隔重重。夜色巴陵下。秋風渭水東。相逢。枕上歡娛夢。飄蓬。天涯悵望中。(沽美酒) 龍濤傾白玉鍾。羊羔泛紫金觥。獸炭添煤火正紅。素身軀自擁。聽門外雪花風。(太平令) 悔當日東牆窺宋。有心教夫婿乘龍。現如今天寒地凍。知他存誰人陪奉。想這廝指空。話空。一步步脫空。巧舌頭將人搬弄。(水仙子) 朔風掀倒楚王宮。

選

凍雨埋藏神女峰。雪雹打碎桃源洞。冷丁丁總是空。下湘簾翠靄重重。寒幽恨  
 颯殘春扇。敲響悶聽絕暮鐘。數歸期輪偏春葱。(折桂令)數歸期輪偏春葱。魚  
 深潛鴨綠寒江。雁唳殘羊角旋風。碎寒金照腕徒黃。收香鳥藏烟近黑。守  
 宮砂點臂猶紅。散風雪一天驟擁。問雲雨何處行蹤。途路西東。烟霧溟濛  
 。魂也難通。夢也難通。(煞尾)這冤情算有千鈞重。見時節心頭氣擁。盼  
 的我眼皮兒穿。則問他負心的可懂。

## 憶別

元關漢卿

(雙調新木令)玉驄絲控錦鞍韉。繫垂楊小亭深院。欣逢明媚景。喜遇豔陽  
 天。擺列着急管繁絃。在這東樓上恣歡宴。(慶東原)幽窗下。曲檻邊。春  
 織相對搖紈扇。往常時閒凭着玉肩。雙和着采蓮。對撫着冰絃。遂却少年心  
 。稱了平生願。(早鄉詞)正值着九秋天。三徑邊。綻黃花亂撒金錢。露春  
 纖。把花笑撚。我這裏滿捧金杯酒頻勸。暢好是風流如五柳莊前。(挂玉

鈎) 我則見淺淺紅梅驛使傳。雪花剪鵝毛片。我真你旋剖金橙列玳筵。玉液  
 向金壺旋。酒暈紅。新粧面。人道是窮冬。我道是豐年。(石竹子) 夜夜嬉  
 遊賽上元。朝朝宴樂勝禁烟。則這寵柳嬌花不能多戀。無奈被名韁利鎖牽  
 。(山石榴) 阻鸞鳳。分鶯燕。馬頭前咫尺天涯遠。今日個易去也難相見。(  
 相公愛) 晚宿在孤村怎生眠。照人的離愁月當軒。月圓。知他是人幾時圓。  
 不能殺南樓上鬪嬋娟。(一錠銀) 心友們相邀列管絃。望解勸淒然。分十酒  
 十分哀怨。端的來怎生消遣。(阿納忽) 酒勸到跟前。只管的延俄。想桃花  
 去年人面。偏怎生冷落了今年。(大拜門) 玉兔 脾懸。懷揣着帝宣。今日個  
 稱了俺男兒的心願。忙加着玉鞭。急催着駿駝。恨不得飛到俺那佳人的門前  
 。(也不羅) 蕊聽得樂聲喧。列華筵。聚集諸親眷。首先把盞攔門勸。他道是  
 走馬也身勞倦。(鴛鴦煞) 銀臺畫燭輕風剪。戍樓殘角聲音辦。甫罷教重話  
 燈前。旖旎纏綿。暢道美滿前程。風流繾綣。天若肯隨人今生願。儘老團

圓。索強如雁底關河路兒遠。

秋興

元馬東籬

曲

選

（雙調夜行船）百歲光陰一夢蝶。重回首往事堪嗟。昨日春來。今朝花謝。急罰盞夜闌燈滅。喬木查想秦宮漢闕。都做了衰草牛羊野。一恁漁樵沒話說。縱荒墳橫斷碑。不辨龍蛇。慶宣和投至狐縱與兔穴。多少豪傑。鼎足三分半腰折。知他是魏耶。晉耶。落梅風天教富。莫太奢。沒多時好天良夜。看財奴硬將心似鐵。空辜負錦堂風月。風入松眼前紅日又西斜。疾似下坡車。曉來青鏡添白雪。上牀和鞋履相別。休笑我巢鳩計拙。葫蘆提一恁粧呆。撥不斷利名竭。是非絕。紅塵不向門前惹。綠樹偏宜屋角遮。青山正補牆頭缺。竹籬茅舍。離亭宴帶歇拍煞。蛩吟一覺纔寧貼。鷄鳴萬事都休歇。爭名利何年是徹。密匝匝蟻敗兵。亂紛紛蜂釀蜜。急攘攘蠅爭血。裴公綠野堂。陶令白蓮社。愛秋來那些。和露摘黃苦。帶霜

烹紫蟹。煮酒燒黃葉。人生有限杯。能幾個登高節。分付俺頑童記者。便  
北海探吾來。道東籬醉了也。

## 別恨

元朱庭玉

## 曲

## 選

(雙調行香子)烟草萋萋。霜葉飛飛。落開塔不管狼籍。雁兒總過。燕子先  
歸。盼佳音。無佳信。悞佳期。(么篇)簾幙空垂。院宇幽棲。步迴郎自恨  
別離。鬢鬆鬢髮。束減腰圍。見人羞。驚人問。怕人知(喬木查)但憑高望  
遠。慢把欄杆倚。不信功名猶未已。知他何處也。詩酒狂迷。(天仙子)相  
思夢。長是淚沾衣。恨滿西風。情隨逝水。閒恨與閒情。何日終極。傷心  
眼前無限景。都撮上愁眉。(離亭宴煞)櫓聲齊和歸帆急。漁歌漸遠鳴榔息  
。尖青寸碧。遙岑疊獻連天際。暮靄生。孤烟起。掩映殘霞落日。江上兩  
三家。山前六七里。

## 歸去來辭

明陳憲卿

(北雙調新水令)怕田園荒廢却思歸。撇罷了蝸名蠅利。身心徒是苦。惆悵枉  
 生悲。來者堪追。論往事總難悔。(南步步嬌)五斗微官原非計。怎肯磬折  
 兒曹輩。鱸魚秋正肥。似這等束帶趨跄。倒不如掛冠恬退。何處舊東籬。  
 江雲一片把柴桑蔽。(北折桂令)喜朝來夢覺沉迷。衆醉獨醒。今是昨非。  
 怕歸路難尋。向征夫忙問。把短棹輕移。趁西風遙瞻衡宇。望晨光一點烹  
 微。童僕開扉。稚子牽衣。只見三徑雖荒。五柳猶垂。(南江兒水)出岫雲  
 無意。投林鳥倦飛。青山正與茅堂對。黃花雅稱村醪味。葛巾不受風塵累  
 。試問哀猿知未。我已忘機。莫下三聲客淚。(北雁兒落帶得勝令)野庭柯  
 顏可怡。園日涉門常閉。擁孤松興自高。倚南窗傲堪寄。送酒有白衣。舒嘯  
 杖青藜。俺只爲薄俗防人面。因此上全身學馬蹄。須如。鳥與兔繩難繫。  
 休疑。亮與鶴脰不齊。(南僥僥令)羊裘堪覆足。饅粥好充飢。十畝桑麻聊  
 卒歲。一任也。世事紛紛似奕棋。(北收江南)呀。俺與那。人情世態既相違。

披襟散髮最相宜。經邱尋壑漫留題。把騷人共携。趁著這欣欣草木弄春暉。  
 ○（南園林好）令巾車煙霞滿陂。放扁舟魚蝦滿畦。引壺觴花間小憩。載琴  
 瑟任遊嬉。攤書卷不停披。（北沽美酒帶太平令）傲風雨有接籬。悅情話有  
 親戚。富貴浮雲未可期。寓形骸宇內。聊乘化任張弛。審居處僅堪容膝。  
 放胸次包羅天地。逃出了花封百里。擺脫了琴堂官吏。再不去迎伊。送伊  
 ○早早的歸歎去兮。五斗米。怎做得奴顏婢膝。（南尾聲）樂天知命心無累  
 ○拚沉醉吾生已矣。歎名利羈人達者稀。

曲澤 南曲部

仙呂

塞外南歸

明 邱宏治

曲

〔仙呂甘州歌〕

八聲  
甘州

殘星破暝。想夜寒關隘。未有雞聲。歸心如箭。怎憚道途  
馳騁。丹心尙存容鬢改。持節還鄉悲子卿。併歌 瞻親舍。脫虜廷。搖隨星斗向

選

南征。趨王命。還帝京。腰橫長劍氣嶢嶢。（前腔換頭）東方日未生。見破  
雲殘月。尙隨人影。悉烟霏霧。一望裏野色冥冥。高臺望鄉空在眼。降虜  
當年羞李陵。思鄉念。遊宦情。哀鴻過處旅魂驚。丹心老。客鬢星。何時  
飛鳥拜朝廷。（前腔）川原一望平。在路途何意。願瞻風景。陰山閒靜。難  
禁那爽氣嚴凝。空憐漢妃孤塚在。草色經寒猶自青。風塵臥。霜露征。驂  
馳駢蹶紫駟輕。狼烟埃。驃騎營。貔貅彪虎怎留停。（前腔）胡笳幾處鳴。



又數聲譙角。鳴鳴相應。旌旗成陣。愁遇着、邏騎遊兵。當時晉臣征戰地。  
勳業猶存鐵柱名。經沙障。涉水程。千山總過萬山迎。胡塵暗。獵火明。  
愁雲低鎖漢長城。(尾聲)嘆飛蓬。何時定。憂親戀國思無憑。淚灑西風一  
片冰。

中秋虎邱坐月

明 陳盡癉

選

曲

(仙呂八聲甘州)海天月上。正中分秋色。越顯清光。三吳名勝。添得許多  
豪放。喜來此地逢佳節。肯爲浮踪憶故鄉。舉觸。共遊人傾倒何妨。(不  
是路)徑輕羊腸。鬱鬱松杉接上方。披榛莽。英雄曾此據封疆。氣難降。  
當年試劍心何壯。石上依然貫斗光。探奇往。霸圖銷歇山無恙。儘留清賞  
。儘留清賞。(解三醒)聳青霄浮圖千丈。月明中金碧輝煌。客來瞻禮黃金  
相。經竹院煑茶香。風生丹壑泉流碧。雨冰祇園樹色蒼。凭高望。望白雲  
千頃。野鶴翱翔。(前腔)聚羅綺千人石上。似廣寒吹落霓裳。他門都歌翻

白苧聲嘹唳。聽鐘磬笙簧。一處處石奇踞虎迎人面。洞黑潛虬冷客裳。把  
 羈懷放。且伴他吟風弄月。逐隊成行。(前腔)恰纔怪長嘯蘇門絕響。誰知  
 偏相逢酒聖詩狂。喧譁笑語瑤臺上。正桂子發天香。振衣巖岫乾坤小。寄  
 興糟邱日月長。添佳况。我本是元龍湖海。禁不得逸思飛揚。(前腔)歎人世  
 塵勞鞅掌。喜登臨夙願今償。遙山近水羅屏障。况月底鬪紅粧。雖不見生  
 公說法天花落。也須羨蘇子留題翰墨香。舒遐想。好追隨二妙。莫問歸航  
 。(尾聲)月將沉。雞三唱。醉眠同借朗公房。只見一點禪燈照十方。

## 擬閨人託雁寄情

明沈青門

(仙呂八聲甘州)相思無底。這幾時教人獨守香閨。從他別後。泯沒數行書  
 寄。多管是戀新忘舊好。因此上將人輕棄遺。心癡。何日裏得展愁眉。(前  
 腔換頭)情衷訴與誰。枉教奴暗數歸期。空庭徙倚。落得腸斷魂離。關山  
 阻隔人又遠。瘦損香肌他怎知。淒其。挨不過月轉花移。(不是路)默默傷

悲。忽聽得南來一雁兒。聲嘹唳。呀呀哀怨過樓西。夢驚回。慌忙推枕披衣起。囑付靈禽莫浪飛。煩惱遞。半函都是燈前淚。許多愁味。許多愁味。○（解三醒）蓼花灘莫教濡滯。蘆荻岸擇伴相依。趁西風一翅翔天際。薄倖客早尋覓。縱利名韁鎖身繫繫。難道春色全無隴上梅。相煩惱。向那人傳示。切莫遲遲。○（前腔）聞他在漢南湘水。又道在渭北燕磯。又道在長安客裡曾留迹。又道在錦江湄。縱天涯浪蕩無消息。望你逐處追尋他極早歸。相煩惱。若得個上林佳信。不負逢伊。○（尾聲）枉叮咛。空歡喜。鷺地騰騰飛起。却是南柯一夢裡。

曲

選

題贈友東山卜築

明 陳盡卿

○（仙呂醉扶歸）愛清幽怕入紅塵路。臥東山羸來禮法疎。似王維摹下輞川圖。稱潘岳草就閒居賦。客來問字日提壺。相逢盡是烟霞侶。○（皂羅袍）家學還堪步武。向閒雲孤館。靜養眞如。陶潛瀟灑愛吾廬。莊周放達能齊物。

貴由貴他。何勞曳裾。適應自適。何須擊壺。從來大隱原無辱。(好姐姐)盤紆花蹊竹塢。密匝匝把門遮護。青山環堵。無情只據梧。流年度。憑將粗糲爲供具。門外常停長者車。  
南(香柳娘)羨圖書四壁。羨圖書四壁。琳琅珠玉。一尊風雨披緇素。况青溪釣徒。况青溪釣徒。咫尺可招呼。長吟動山麓。任浮名有無。任浮名有無。登臨不辜。居然謝傳。(尾聲)休嫌蛛網羅蓬戶。習懶神遊千古。酒熟封候快未如。

## 歸隱

明闕名

(仙呂傍粧臺)憶家鄉。故園松菊只恐半成荒。平生心地無偏黨。止留得一空囊。擔頭舊物青甌在。架上遺書手澤香。封章奏。達廟堂。待學散金疏廣早還邀。(前腔)早還鄉。鄉音無改鬢毛蒼。烏紗帽換了青箬笠。皂羅袍換了布衣裳。青風林下琴三弄。細雨燈前酒一觴。田園少。歲月長。待學思鱸張翰返家鄉。(不是路)草舍之旁。鑿個方方半畝塘。多清况。徘徊雲

影與天光。近東廂。種松補屋沿深巷。插棘編籬護短牆。閒來往。黃冠野服青藜杖。四時吟賞。四時吟賞。（解三醒）到春來惠風和暢。鬪繁華柳媚花芳。看廬山疊翠如屏障。白鹿洞隱朝陽。香爐瀑布三千丈。九壘屏風雲錦張。言非獎。真是神仙府第。月岫雲廊。（掉角兒序）到夏來槐陰晝長。愛蓮池藕花爭放。清暉庭薰風鳶涼。重湖閣水天浮蕩。笑東鄰。一家忙。蠶桑老。又分秧，我無勞攘。紙屏石枕。籐簟竹牀。向南窻安然高臥。自傲羲皇。（解三醒）到秋來蟹肥雞壯。更逢時橘綠橙黃。村前社鼓聲。鑿鑿。祈后土慶豐穰。喜今秋歲熟天晴朗。準備官租早下倉。人都講。但寬篔簹賦。窮也何妨。（掉角兒序）到冬來梅花又香。小橋邊酒旗高颺。亂紛紛雪花正揚。喚蒼頭把門關上。地爐中。煨芋栗。餉兒孫。一個個。要三爭兩。將琴當酒。買魚煮湯。醉來時欣欣拍手。婦隨夫唱。（尾聲）一家骨肉俱無恙。把利名心撇在九霄天上。百歲光陰如同夢一場。

題友溪上別業

明金白嶼

(仙呂醉羅歌)

醉扶歸

舍南舍北遙相望。水亭水榭繞迴廊。午夢初回聽鳴榔。勝

處堪吟賞

皂羅襖

閒情初賦。幽懷頓償。窮愁堪破。機心頓忘。江魚跳逐迎

船上。排歌聲續。笛韻揚。春風吹到讀書堂。(前腔)簞笠簞笠供遊賞。鷗

歌

鷺雲鷺識行藏。漫把年華寄濠梁。羨萍破魚吹浪。門無車馬。瀟瀟畫長。

岸回鷗樹。陰陰夏涼。任科頭箕踞胡牀上。初月。泛小航。風吹荷葉酒

瓶香。(前腔)圖史圖史閒供養。鷓鴣鷓鴣對翱翔。人世何須問滄桑。山水

清音賞。渡頭燈火。孤槎可航。溪邊樓閣。浮瓜可觴。冰壺徹夜天開朗。

枕流淨。漱石涼。幾多身計付漁鄉。(前腔)六朝人物空惆悵。千秋雲水尙

蒼茫。世外招邀得求羊。一笑形骸放。興來談俠。溪搖劍光。閒來灑翰。

溪浮墨香。曠勞勞蠻觸都成妄。扶殘醉。坐夕陽。疎松隔水奏笙簧。

## 四時賞玩

明闕名

(仙呂望吾鄉)爛熳春光。粧成錦繡鄉。嬉遊綺陌人來往。觀他鶯燕迷花柳。  
 ○聽簫鼓鳴街巷。○三春景。宜共賞。休負了名園上。(傍粧臺犯)(傍粧臺)畫  
 初長。我只見銜泥雙飛來往燕兒忙。高柳噪蟬聲細。堆角黍慶端陽。(望吾  
 鄉)見十里湖光景。菡萏花開放。(望吾鄉)三伏景。宜共賞。休負涼亭上。

## 曲

## 選

(解三醒犯)(解三醒)起金風透簾朱幌。井梧飄露華淒爽。庭前桂子香飄蕩。  
 正風雨慶重陽。羞把黃花凌亂插。端的是勾引西風入鬢旁。(望吾鄉)三秋景  
 ○宜共賞。休負了龍山上。(掉角兒犯)(掉角兒序)野梅開橋邊水旁。凍雲垂  
 雪花飄蕩。望江湖飛禽隱藏。見青山萬層疊嶂。慶佳祥。低低唱。泛霞觴  
 ○畫堂滿設銷金帳。(望吾鄉)三冬景。宜共賞。休負了歌樓上。(尾聲)凍雲  
 垂。雪花漾。裁冰剪雪現禎祥。萬里瓊瑤似玉粧。

## 旅思

明闕名

(仙呂小措大)暗潮拍岸。斷江風掃蘆花。鷗鷺破烟。飛落汀沙。見漁舍兩三家。在夕陽下。一簇晚景堪畫。問無語時將珠淚灑。愁轉加。瘦損丰姿只爲他。事縈心髻添白髮。蹉跎負却年華。(不是路)遠隔天涯。別後應憐雨後花。思量煞。徘徊無語自嗟呀。眼巴巴。無眠欹枕和衾壓。夢斷蓬窻月映簷。風兒颯。蘭舟未曉驚先發。去程堪訝。去程堪訝。(長拍)疊疊離情。疊疊離情。重重愁恨。羈旅怎生禁架。家鄉遙遠。楚水洶湧。關迢遙去程無涯。斜日映紅霞。望水村深處。酒旗高掛。淺水灘頭有鷺立。沽樹上噪昏鴉。來往橈聲啞啞。正野塘水漲。浪擊汀沙。(短拍)紅蓼灘頭。紅蓼灘頭。白蘋岸側。曲灣灣水繞人家。還再赴京華。怎訴得許塲瀟灑。異日圖將此景。直待要歸去鳳池誇。(尾聲)炊烟映。牛羊下。權借村醪閒話。今夜棲遲在那家。





曲選 南曲部

羽調

寒宵閨怨

梁伯龍

曲

選

(羽調四季花)寒氣透疎櫺。正窗兒破。風兒猛。背却殘燈。愁聽。高梧露  
滴秋夜清。南山子規啼一聲。月沈西。門暗扃。曉鐘何處。嚙嚙五更。薰  
籠坐倚直到明。輾轉夢不成。難道便一生孤另。奈香冷。篆冷。衾冷。枕  
冷。人冷。(集賢賓以下商調)六朝舊事心暗評。消磨多少豪英。朱雀烏衣  
留話柄。記潘妃蓮步輕盈。景陽宮井。多半是佳人薄命。須自省。盡沉沒  
暮天鴻影。(簇林鶯)(簇御林)還懷舊。自幼齡。播蜚聲。滿上京。長于歷  
遍諸名勝。(黃鶯兒)鳳凰臺畫登。燕子磯曉行。莫愁湖上春風艇。總無憑  
。年華已矣。何事負平生。(琥珀貓兒墜)而今憔悴。獨對短檠燈。眼見  
淒涼逢暮景。當初誰道又恁零丁。牽情。羞視那烏鵲橋邊。匹配雙星。

(水紅花)海盟山誓信非輕。數年庚。今成畫餅。一生寂寞竟何曾。問儒卿。  
 。甘心誰等。挽不住夕陽西下。遺不去恨難平。這場恩怨不分明也囉。  
 (尾盤)歎行藏。頻看鏡。大都塵世總浮萍。不如淨掃花前學誦經。

## 空訪

明闕名

## 曲

(羽調四季花)春色隔簾櫳。說甚心間悶。眉間恨。怨着春風。芳容。似無  
 言桃李花自紅。含香綺園無路通。掩瓊台雲霧封。玉樓春鎖。銀屏畫空。

## 選

那紅塵怎到錦繡叢。翠被麝蘭濃。隱睡着枕衾鴛鳳。有甚幽夢。短夢。春夢。  
 曉夢。殘夢。(集賢賓以下商調)錦屏寂寞闌思慵。秋來漸老芙蓉。海燕雙  
 雙飛畫棟。怎終朝孤守房櫳。羅幃自擁。並沒個人兒相共。愁思冗。怕暗  
 裏把少年飛送。(簇御林)尋芳去。春興濃。看晴絲舞半空。柳眠花媚啼鶯  
 弄。隔林繚繞歌聲送。景溶溶。春雲滿目。山色有無中。(黃鶯兒)遊屐趁  
 春風，訪青樓大道東。掩麈扉深鎖迷香洞。青鸞信未通。梨雲夢枉濃。朱

曲

簾高揭餘香送。小齋中。碧紗窗外。明豔一枝紅。(貓兒墜)松箋展拂。毫染墨痕濃。密意包藏半幅中。嬌柔旖旎舞愁紅。芳叢。寫不就國色天香。弱態隨風。(水紅花)幽情已逐曉雲空。杳無蹤。心猿搖動。夕陽樓外晚煙籠。步匆匆。愁懷轉重。想着他曲彈流水。好教我惹情濃。幾時携手上巫峯也囉。(尾聲)洛陽花。春色重。怎如章臺柳色舞東風。我清夜裁書剪燭封。

閨怨

舊曲闕名

選

(羽調金鳳釵)和風扇。柳蕩煙。似我愁眉常斂。梨花帶雨盈盈。他也學人淚臉。愁嫌。翩翩粉蝶穿繡簾。呢喃燕兒語畫簷。使離人。愁轉添。守香閨繡針懶拈。尋芳倦將花草沾。悶冗愁兼。盡將人拘檢。你那裡爭知。因他瘦得慳慳。(前腔)薰風起。暑氣加。水閣齊鋪湘簾。堤前香噴葵榴。真個紅顏似染。炎炎。日長困人離緒兼。愁腸怕人閒語貼。鎮日無言。口似箝

。看鮫綃與伊淚淹。山遙水遠魚鴈潛。皺損眉尖。漫教人思念。你那裡爭知。因他瘦得慳慳。(尾聲)這冤牽。前生欠。愁和悶高如山塹。只落得一日相思一日添。

曲選 南曲部

正宮

橫塘載月

明袁于令

曲

(正宮錦纏道)載輕娃。暫停舟錢塘水涯。到處景隨佳。羨高人願爲泛宅浮家。我待弄清狂正平鼓搥。你休怨孤眠商婦琵琶。種了邵平瓜。效范蠡扁舟遠駕。三閩未許誇。悲放逐啼聲泣啞。直恁的困苦欠撐達。(普天樂)暖溶溶。明月下。看山影。輕如畫。清溪畔柳可藏鴉。曲橋外似雪梨花。荒村數家。更惺惺犬鳴。一帶籬笆。(中呂古輪臺)醉流霞。淺斟低唱按紅牙。纖纖素指輕輕下。歌翻子夜。瑄弄朝華。一派餘音虛架。赤鳳堪乘。彩雲欲化。今宵清夢繞天涯。風情瀟灑。都付與流水浮花。美人綠鬢。英雄白髮。同歸虛話。想起淚如麻。持杯舉。莫教月落漫嗟呀。(尾聲)村落內。集衆譁。直待要遊觀四下。喜數里橫塘月正佳。

選

## 酬魏郡穆仲裕內史

明 王伯良

(正宮) 刷子序犯 (刷子序) 白眼看青天。悠悠更誰。同調相憐。歎流水高山。空斷幾疊危絃。金鞭。趁紫馬黃河一線。覓燕市紅雲半面。(玉芙蓉) 狗屠不見。算翩翩。酒人只有穆生賢。(雁過聲換頭) 西園。好風似剪。初調笑紅牙錦箋。當場肝胆投一片。度新聲。夜忘眠。儘輸他燈下花前。杯傳不放

曲

選

然。看日近長安遠。誰在江東。誰居渭北。一縷春蠶。兩處絲牽。苦書沉雲雁。信疎驛使。五年似撿。幾番來。夢魂中斷月明邊。(玉芙蓉) 你回車又入燕。我鼓棹重逢阮。喜今宵浮萍。兩葉仍圓。綈袍不負青霜院。彩筆還騎滌水篇。多歡忭。狂來似顛。那問他。酒卮狼藉濕紅氈。(小桃紅) 想光陰如飛電。悵聚散真蓬轉。樽前莫怪頻酬勸。黃塵海水須臾變。茫茫後會鶯和燕。恁高歌一笑當筵。(一撮棹) 紅兒唱。粉頰有餘妍。青童舞。羅

商

選

袖倍踰躑。簷雪色。宛轉照金鈿。盆梅馥。旖旎散朱軒。提如意。憑將兩眉展。重剪燭。握手話因緣。(尾聲)玉爐香。銅壺箭。此際謾消繾綣。聽取新聲字字妍。

詠柳

明闕名

(正宮白練序)窺青眼。漸葉葉顰眉效淺粧。渾一似，想着故人張敞。搖颺。萬縷長。翠織就新愁縈斷腸。偏宜向。朱門羽戟。畫橋遊舫。(醉太平)惆悵。藏鴉未穩。早攀揉贈別。空與人亡。隋堤漢苑。都非是舊日風光。堪傷。三眠春夢漫悠揚。有誰問灞陵無恙。倚闌凝望。消得幾番。暮雨斜陽。(白練序)淒涼。古道旁。青青數行。消魂處，鶯聽得幾聲鶯簧。蕭郎。信渺茫。漫留下當年處士莊。空悵快。相思瘦得。楚腰宮樣。(醉太平)輕狂。花飛似雪。乍高欲下。隨風飄蕩。撩人撲馬。無拘管市橋村巷。端詳。吳綿滾滾散苔牆。好飛度繡簾珠幌。送春南浦。遺踪化作。翠萍溶漾。



○（尾聲）流水遊魚吹浪响。舟橫野渡清晝長。引得蟬聲噪晚涼。

詠簾櫳

明 梁伯龍

曲

（正宮白練序）東風軟。見曲曲迴廊暮靄收。凝粧映，幾簇禁煙新柳。春晝  
 。翠羽稠。任滿院楊花不自由。空相扣。芳容阻隔。似無還有。（醉太平）  
 刺繡。蝦鬚靜掩。趁遊絲亂撲。花影開楊。揚州十里。爭露半額嬌羞。纖  
 柔。朝來風橫試銀鈎。有誰問海棠依舊。掩舒常在。斜月小牕。暗雨危樓  
 。（白練序）風流。倚醉眸。湘裾故留。牽情處。分明送幾聲鶯喉。綢繆。  
 院宇幽。伴落日陰陰燕子愁。徘徊久。風驚翠竹。故人相候。（醉太平）宸  
 遊。披香半揭。天顏應近。傍垂紅袖。香籠霧鎖。通幾點隔花銀漏。悠悠  
 。西風高掛漢宮秋。有人似黃花清瘦。九嶷雲冷。湘波映着。翠蛾雙皺。  
 （尾聲）低掩重重如澹酒。愁來試捲樓上頭。空目斷長江萬里舟。

選

李太白醉詠清平調

明 屠長卿

(正宮)傾杯賞芙蓉(傾杯序)上國名花壓衆芳。亭北開清賞。最可喜人主徵歌。  
 學士揮毫。宮嬪追歡。妃子行觴(玉芙蓉)薄寒曉護茱萸帳。香氣晴薰翡翠  
 裳。斟佳釀。倩仙人玉掌。更兼那新翻天樂繞虹梁。(前腔)鈴索風傳百和  
 香。廣殿雲屏敞。却正好檢點花神。約束封姨。點綴春工。管領東皇。金  
 箋綵筆光千丈。錦瑟瑤笙隊兩行。音嘹唳。借天風送響。惟願取，萬年行  
 樂侍君王。(玉芙蓉)仙官寶嵌粧。帝釋珠交網。羨紅雲護態。絳月輪香。  
 彩旛護景春無恙。瑞蠟留歡夜未央。停歌唱。覓詞人醉鄉。沈沈裡，摩挲  
 雙眼掃琳瑯。(前腔)輕煙幕尙方。暖日浮仙仗。賀太平帝主。欣賞花王。  
 佳人貌比雙成樣。才子胸盤五色腸。停歌唱。覓詞人醉鄉。沈沈裡，摩挲  
 雙眼掃琳瑯。(雁來紅)(雁過沙)憑雕檻倚繡牀。舞花奴醉索郎。金釵委墮低  
 羅幌。紅暈桃腮上。袞袖輕揩汗粉香。(紅鴉子)天清朗。亭臺夕陽。酒重斟  
 歡無量。(前腔)荷憐才聖度汪。恕微臣酒態狂。千秋盛事垂天壤。斯調清

平朔。樂府從今隸太常。天清朗。亭臺夕陽。酒重斟歡無量。(朱奴兒)准備着巫山斷腸。不爭教涸露凝香。羣玉瑤臺路渺茫。只落得雲花並想。當筵唱。新詞樂章。待歲歲歌花放。(前)分不得纖腰豔妝。却將比飛燕昭陽。傾國名花兩鬥芳。常帶笑君王玩賞。當筵唱。新詞樂章。待歲歲歌花放。

曲

蔡伯喈思鄉

元高則誠

選

(正宮雁魚錦)思量那日離故鄉。記臨歧送別多惆悵。攜手共那人不厮放。教他好看承我爹娘。料他們應不會遺忘。聞知饑與荒。只怕捱不過歲月難存養。若望不見信音却把誰倚仗。(一犯漁家傲)思量。幼讀文章。論事親爲子須要成模樣。真情未講。怎知道喫盡多魔障。被親強來赴選場。被君強官爲議郎。被婚強效鸞鳳。三被強。衷腸事說與誰行。埋冤難禁這兩廂。那壁廂道咱是不撈達害羞的喬相識。那壁廂道咱是不念舊負心的薄倖郎。

## 選曲

(一犯漁家燈)悲傷。鷺序鷓行。怎如烏鳥反哺能終養。漫把金章。縉著紫  
 綬。試問斑衣。今在何方。斑衣罷想。縱然歸去。又怕帶麻執杖。只恐他  
 雲梯月殿多勞攘。落得淚雨似珠兩鬢霜。(喜漁燈)幾回夢裏忽聞雞鳴。  
 忙驚覺錯呼舊婦。同問寢堂上。待朦朧覺來。依然新人鳳衾和象牀。怎不  
 怨香愁玉無心緒。更思想和他攔擋。教我怎不悲傷。俺這裏歡娛夜宿芙蓉  
 帳。他那裏寂寞偏嫌更漏長。(錦纏道犯)漫悒悒。把歡娛都成悶腸。菽  
 水既清涼。我何心，貪着美酒肥羊。悶殺人花燭洞房。愁殺我掛名在金榜  
 。越地裏自思量。正是在家不敢高聲哭。只恐人聞也斷腸。



曲選 南曲部

大石

擬出塞

明 梁伯龍

曲

(大石念奴嬌序)龍荒萬里。正風高紫塞。迢遙千古長城。落日荒原凝望處。茫茫極北雲平。連亘。白狄臨關。黃河夾地。胡兒千隊此馳騁。還自許終軍早歲。獨請長纓。(前腔換頭)堪哽。陰燐耿耿。見白骨滿野烏鳶。螻蟻相慶。萬疊驚沙探騎急。黑夜移營傳令。還逞。首藉初肥。葡萄新熟。貂裘十萬盡精兵。還自許終軍早歲。獨請長纓。(前腔)愁聽。破納沙頭。受降城上。斷鴻殘角總邊聲。烽堠直。見月下歸來殘兵。飛警。雪裂金笳。雲崩鐵騎。祁連黠虜正憑陵。還自許終軍早歲。獨請長纓。(前腔)冥冥。殺氣侵雲。獵聲沉塞。新來降騎說蕃情。麟閣迴。莫負三尺青萍。休驚。北接莎車。西通疏勒。班超原是一書生。還自許終軍早歲。獨請長纓。

選

中呂(古輪臺)雁南征。西風吹急不堪聽。胡天嘹唳空相應。音書難倩。況  
 萬里羶腥。更誰訪紅顏薄命。有西遣烏孫。一生孤另。有荒墳烟鎖。青  
 霜迷月冷。有崎嶇北去胡庭。哀笳倚拍。家山何處。淒涼風景。千載恨  
 難平。關河永。玉關哀怨斷腸聲。(前腔換頭)閒評。曾有擒虜王庭。還又  
 有殺敵居胥。戰無不勝。竹帛丹青。細屈指依稀名姓。有年少封侯。奇功  
 難並。也有垂老轅門竟無成。數奇不幸。有白頭北海飄零。淹留異域。餐  
 甍嚼雪。旌旄落盡。成敗古難憑。但願輸忠耿。君不聞男子重橫行。(尾  
 聲)橫磨掃。十萬兵。會看取單于繫頸。直待要 踏破燕然再勒銘。

曲

選

七夕

明湯若士

(大石念奴嬌序)人間天上。數佳期斯近。秋容太液波澄。院宇黃昏河正上  
 。幾看清淺閒庭。輝映。雲母屏開。水晶簾捲。月微風細淡烟景。乍看取  
 千門影裡。誰似雙星。(前腔換頭)河影。層波夜炯。怕空濛霧染機絲。翠

花寒凝。一水仙郎遙望處。脉脉此情誰證。僣幸。喜極慵粧。歡來罷織。倚星眸曾傍暗河行。同看取千門影裏。誰似雙星。(前腔)還倩，那些縹緲銀鸞。參差烏鵲。斷虹低處翠橋成。仙佩隱。似濕雲含雨流聲。清興。按戶斜窺。凌波微步。一天秋色今宵勝。同看取千門影裏。誰似雙星。(前腔)端正。步障停雲。眉梁瀉月。一年情向此中傾。清虛處。微茫香霧盈盈。私聽。百子池邊。長生殿上。便風中微語笑分明。同看取千門影裏。誰似雙星。中呂(古輪臺)夜雲輕。秋光銀燈畫圍屏。水沉細縷香生鼎。綵樓低映。問誰許宵征。鈿盒金釵私訂。似恁幽歡。十分清興。把人間私願一時并。商量不定。暗風吹羅帶輕盈。柔情似水。佳期如夢。碧天瑩靜。河漢已三更。良宵耿。此時誰在迴廊影。(前腔換頭)含情。若是長久深盟。又豈在暮暮朝朝。歡娛長並。玉漏無聲。恨挹西風吹勁。忍顧河西人遠。斷河難忍。還向舊鴛機上拂流螢。殘絲再整。想牽郎還望娉婷。鮫綃幾尺



。淚花猶瑩。臨河私贈。時有墜釵橫。便道是天河永。他年年風浪幾時生。  
 。（尾聲）明朝烏鵲到人間境。試說向青樓薄倖。你可也臥看牽牛織女星。

閨情

明王伯良

曲

（大石賽觀音）怕着羞。添着恨。看點點羅衫淚痕。只落得燈前偷搵。這段  
 相思誰道假和真。 （前腔）我口兒推。心兒允。悔那日停針閉門。空惹得  
 蝶驚蜂褪。歎軟心腸做了硬心人。 （人月圓）他去後風雨無憑準。縱有青  
 鸞難傳信。隔花陰真是天涯近。贏得個懨懨成病損。纔知道。眼前人更有  
 誰爲溫存。 （前腔）連日來打疊閒脂粉。便取次摧殘一葉身。天公折罰  
 甘心認。這對面惺惺背面親。衷腸事。待告訴青天。君不知聞。 （尾聲）  
 漫說有情魂夢堪尋趁。且捱他幾個黃昏辦取和葉和根總付君。

選

曲選 南曲選

小石

中秋夜懷程文卿

明沈孚中

曲  
(小石漁燈兒)從那日冷桃源漁艇空撐。便頭下沒頭由花月文憑。淒涼路獨自獨黃昏帶淚行。經歷盡斷腸邊境。纔知道相思郡路接愁城。(前腔)呆呆地石人

般沒緒無情。倒貶做不語言面壁孤僧。還堪笑生平浪說肝腸硬。到此地不由人不熱痛寒疼。滿心窩盡堪漫一個文卿。(錦漁燈)陪伴俺只留得半莖瘦影。斷送俺還不消幾下寒更。再不點夜夜生花說謊燈。竟此靈，堪橋鵲一聲聲。

選  
(錦上花)人說道。醉了寧。我孤酣。愁幾醒。對霞觴反恨不雙擎。人說道。睡了停。我思眠。愁要醒。只被幾聲長嘆到天明。夢也竟何曾。(錦中拍)書生輩椿椿薄命。拿不穩前程。剛着足花村柳徑。便做了下稍頭領。一首合歡詩稿兒未謄。單思案誰來折證。斷腸譜空來掛名。幾句情詞。一杯香

茗。是愁壘萬千層。（錦後拍）偏要向斷藍橋起工程。燬祆廟重建牡丹亭。  
 縱藥方靈應。縱藥方靈應。不割捨怎醫痊這般癡病。就個中日月住今生。  
 沒僥倖。拚耐心兒等。不來呵。難道便丟個不惺惺（尾聲）把癡情。牢守  
 定。權發付衾寒枕剩。須有日花前共證盟。

### 金陵弔陳故宮

明闕名

選

曲

（南呂梁州新郎）（梁州序）莫愁湖上。鴛鴦橋畔。水閣風來吹暖。烟花南部  
 梁愁隋恨都捐。看柘枝舞罷。桃葉歌殘。不管興亡怨。怕銅駝啼夜月。  
 悵寒煙。江水茫茫咽管絃。賀新郎蘋花動。芙蓉。金風吹老梧桐片。  
 聲簌簌。杜陵怨。（以下小石漁燈兒）則那喚冬兒嬌小堪憐。看秋娘清豔增  
 妍。是鞠部班頭正綺年。合住在石城橋畔。抱銀箏按出鷓鴣。（前腔）好個  
 轉新謳玉潤珠圓。恰可來供奉翠樹華筵。是暖閣詞人應制填。傳鳳紙僉名  
 接選。還要值華清親教梨園。（錦漁燈）擺列着瓊壺飲宸賞邀歡。承值的覓

裳舞宣召朝元。讓他南朝狎客江令賢。譜出滿春江。花月夜爭妍。（錦上花）團扇曲。明月篇。瓊枝豔。璧月圓。朝朝夜夜舞華筵。臨春閣。結綺椽。庭花秀。玉樹妍。崇臺傑閣望神仙。春盡不知年。（錦中拍）聚狎客江都少年。正風流俊翮。出典禁羽林車輦。入陪侍華清嘉謙。伴無愁那君王御前。問蝦蟆華林催宴。鬪蟋蟀離宮斂筵。拜爵西園。傳優北苑。這歡娛真不淺。（錦後拍）還更有進昭容豹尾軒。多少良家俊嬋娟。閉迷樓複殿。閉迷樓複殿。閉迷樓複殿。都寂寞棠梨淚捲。聽霜鐘鳴咽景陽天。寒星轉。奈夜寒人倦。空贏得瓊枝一曲唱團。（罵玉郎）又聽得商女琵琶隔岸傳。都是一隊隊。笑聲喧。閒偷法曲傍宮垣。美纏綿。道君王快樂無邊。趁秦淮月圓。趁秦淮月圓。新聲度出瑤篇。這軍情莫言。這軍情莫言。慢闌外羽書飛箭。正禁內金杯傳宴。那管他駝棘荒烟。那管他駝棘荒烟。慢回首石頭城下。燕子磯前。有幾多咽寒潮。飛暮雨。鐵馬金鞭。留得殘翡翠。冷鴛鴦。

做錦江春怨（尾聲）六朝人物風流遍。怕鐵鎖橫江沒便。又聽望帝枝頭泣  
杜鵑。

曲選 南曲部

中呂

秋夜聞砧

明 梁少白

商

選

(中呂)榴花泣。(石榴花)楚天雲淨遙夜露華零。誰搗練送站聲。撼得瀟瀟梧葉墮簷楹。隔牆東金石齊鳴。(泣顏回)悲涼怎聽。那簫兒敲着我心頭病。趁颼颼颼風度虛窻。正娟娟月冷閒庭。(前腔)閨中思婦遙動別離情。衣未授淚先傾。遼陽千里信難憑。倩誰人寄與孤零。雙砧不停。似搗玄霜玉杵聲相應。想應他關却柔腸。因此上敲殘更。(泣顏回)推枕剔殘燈。枉教人好夢難成。聲聲咽哽。伴寒蛩一樣淒清。何曾見形。但高低斷續渾無定。打鴛鴦分散韓憑。驚蝴蝶不逐莊生。(前腔)報入漢宮庭。此樓頭畫角。忒恁傷情。想長門漏永。斷送了多少娉婷。他愁懷暗增。這其間和淚綿綿聽。亂敲時雁外霜飛。數聞來被底秋生。(尾聲)蕭條已入寒空靜。都被你將入聒醒

。道是無情却有情。

春遊

元高則誠

曲

選

〔中呂泣顏回〕東野翠烟消。喜遇芳天晴曉。惜花心性。春來起得徧早。教人探取。問東君借與春多少。見丫環笑語回言。道昨夜海棠開了。〔前腔換頭〕今朝。特地到西郊。端的是萬紫千紅爭巧。花情酒債。二生被他縈擾。雕鞍駿馬。會王孫貴戚把金樽倒。有時節沉醉花前。把金丸墜落飛鳥。〔千秋歲〕杏花梢。間着梨花雪。一點點梅豆青小。流水橋邊。流水橋邊。只聽得賣花聲聲頻叫。鞦韆外。行人道。粉牆內。佳人笑。笑道春光好。把花籃旋簇。食欄高挑。〔前腔〕俊多嬌。他只顧貪歡笑。却道冷被人瞧。綠柳陰中。綠柳陰中。藏身裏暗折花枝來到。低聲問。奴容貌。比花貌。爭多少。又被才郎惱。道花枝勝似。奴貌嬌。〔越恁好〕鬧花深處。鬧花深處。滴溜溜酒旆招。牡丹亭左側。尋女伴。鬪百草。翠巍巍柳條。翠

曲

選

巍巍柳條。見忒楞楞曉鶯兒。飛過樹梢。撲簌簌亂紅。舞翩翩粉蝶兒。飛  
 過畫橋。一年景。四季中。惟有春光好。向花前暢飲。月下歡笑。(前腔)  
 乍晴還乍雨。乍晴還乍雨。暖融融景致饒。見游人往來。貪歡笑。舞絞綃  
 。鬧咳咳笑高。鬧咳咳笑高。見骨碌碌小車兒。乘着豔嬌。嬌滴滴眼兒。  
 嫋亭亭體態兒。一捻舞腰。十分俏。難畫描。蕩漾春心了。怎教人對景。  
 辜負年少。(紅繡鞋)聽一派鳳管鸞簫。鸞簫。見一簇翠圍珠繞。珠繞。捧  
 玉鍾。酒頻倒。歌金縷。舞纖腰。任明月。上花梢。(前腔)花枝明月多嬌  
 。多嬌。三般湊逞妖嬈。妖嬈。一樣妝。最波俏。花陰下。鬧聲鬩。醒來  
 時。不覺夜深了。(尾聲)從教酩酊眠芳草。高把銀燈花下燒。韶光易老。  
 休把春光虛度了。

擬漢元帝餞明妃

明卜大荒

(中呂好事近)貂錦換宮粧。轉勝圖中描樣。新愁夙恨。生拆寶殿鴛鴦。控



曲

選

裝。兩下相看悵悵。秦城外倦柳淒涼。斜日映瀟川渡廣。怪琵琶寫恨。舉  
 目沾裳。(正宮錦繡道)韻堪傷。一園兒陽關緒長。滿酌捧霞觴。殢樽前堪  
 憐淚眼雙雙。欸呼韓情調半響。心先赴李陵臺傍。直恁趨程忙。朝陽雨露  
 。初心肯頓忘。舞謝纏頭錦。恐驚颺吹散舊餘香。(普天樂)夢魂遊。青苔  
 巷。缺鏡杳。風流況。揣今朝出塞昭君。甚年似蘇武還鄉。邊材浪養。做  
 了別姬楚項。送女吳邦。(中呂古輪臺)累娘行。辭家背井赴龍荒。怎堪臨  
 去回頭望。角聲悲壯。更旆影悠揚。白草平鋪沙壤。車輓餒糧。馬馱氈帳  
 。欲追携手話河梁。蜂攢迅往。怕鑾輿返到咸陽。繞階籜墜。掖庭漏永。  
 寒蛩泣露。冷暈惹紗窗。不思想。除非鐵冶鍛剛腸。(尾聲)美人軸掛屏山  
 上。權作挑燈照粉龐。忍聽南來孤雁響。

春恨

明沈伯英

(中呂石榴花)碧桃花外忽聽一聲鐘。醉魂醒夢巫峯。那堪雨雨更風風，恨

香消獸冷花落鏡塵蒙。嘆雲寒西樓燕子空。舊桃源路迷仙洞。單守着伴孤燈。  
 矮屏風，悶彈哀怨泣絲桐。（駐馬聽）帶結頻鬆。瘦骨誰禁愁緒冗。眉  
 峯難縱，鎖住雙蛾。幽恨重重，瑤臺人遠信勞鴻。彩雲聲斷簫間鳳。怨綠  
 羞紅，百船難把悶懷相送。（別銀燈）看花去誰與同探舊叢。待月處簾櫳誰  
 共。日長又怕更偏永。都不見紅團綠擁。他似飄蓬。全無定蹤。愁對着落  
 紅舞風。（漁家燈）從別後帳冷芙蓉。許多時曲罷梧桐。餘寒在簾控金鈎  
 誰寄錦箋鸞封。袖中怕濕瓊珠迸。恨王孫芳草花聽。對青銅。空陪笑容  
 全不比崔徽畫中。（尾聲）剩雨收。殘雲迴。朝暮相思萬種。十二峯頭  
 總是空。

## 織室怨

明 湯若士作 臧晉叔改

（中呂漁家傲）機房內織婦思夫痛子身。南海路歎孔雀孤飛。海圖難認，待織出雙  
 鴛宮樣錦。細細的商量分寸。還說甚翠繞珠圍。權厮守荆釵布裙。問天天怎昨日

今朝似兩人。（剔銀燈）無情緒機絲亂引。無倒斷玉纖微困。一縷縷金襖有  
 一點點柔腸恨。一字字詩隱着一層層花球暈。悲辛。幾回暗忍。奈一溜溜梭兒  
 穿過淚痕。（攤破地錦花）怕窈窕。把貝錦成仇讐。謎謎塵。白日裡黑  
 了天門。學織秦川。宛轉迴文。奏明君。偷然間有見日分。（麻婆子）織  
 成織成宮錦上。衷情苦自陳。蟋蟀蟋蟀天將冷。停梭憶遠人。穿花錦滴淚  
 眸昏。怕機絲有盡愁難盡。促織促織催何緊。憔悴不堪論。

曲選 南曲部

南呂

燕山重九

明 邢雉山

曲

選

(南呂梁州新郞)(梁序州) 三秋天氣。時當重九。與客相攜樽酒。向翠  
微深處。凭闌目斷高秋。但只見落霞孤鷺。遠水長天。霽靄明疎柳。他鄉  
逢令節。恐難酬。醉把茱萸插滿頭。(賀新郞) 開口笑。舒眉皺。對西風  
人比黃花瘦。塵世上。幾曾有。(前腔) 燕臺塵土。燕山依舊。望裏層巒  
疊岫。白雲紅葉。人間自有丹邱。恰正是興來今日。抱病登臺。落日同杯  
酒。幾回搔短髮。晚風柔。破帽多情却戀頭。開口笑。舒眉皺。對西風人  
比黃花瘦。塵世上。幾曾有。(前腔換頭) 想人生百歲蟬蛸。不如意十常  
八九。問明年此會。玉容安否。只怕老侵潘鬢。愁入庾腸。枉自慚衰朽。  
相逢拚一醉。更何求。莫向斜陽歎白頭。開口笑。舒眉皺。對西風人比黃

花瘦。塵世上。幾曾有。(前腔)戲馬臺落日荒邱。龍沙會孤城衰柳。怪牛山何事。淚盈衫袖。爭似我振衣千仞。一俯乾坤。萬里頻回首。酒醒山欲暝。且淹留。昏黑還須到上頭。開口笑。舒眉皺。對西風人比黃花瘦。塵世上。幾曾有。(節節高)清秋爽氣浮。谿吟眸。東籬采菊真堪嗅。香風透。三徑幽。南山秀。良辰佳會難消受。洞天禮地非虛謬。登臨常有杖頭錢。勝如騎馬紅塵走。(前腔)閒身傲五侯。好風流。此情肯落他人後。歸來又。秉燭游。重攜手。只愁滿城風雨多僂僂。無端歲月空馳驟。登臨常有杖頭錢。勝如騎馬紅塵走。(尾聲)一年好景君知否。但把清樽斷送秋。明日黃花蝶也愁。

## 詠蛺蝶

明 梁伯龍

(南呂梁州新郎)(梁州序) 郊原風暖。園林春霽。日午香熏蘭蕙。翩翩綠草。尋芳競拂羅衣。只見韃鞬初試。紈扇新聞。驚得雙飛起。爲憐春色

也。任風吹。飛過東家知爲誰。(賀新郎) 花間約。休分對。奈悠揚春夢  
 渾無際。關塞路。總迢遞。(前腔) 差池羅幕。徘徊宮髻。撲着花兒斜  
 纒。金鬢輕展。芳心未露先知。恰似偷香韓椽。傅粉何郎。慣作司花吏。  
 畫橋風細也。賣花回。亂逐餘香過水西。花間約。休分對。奈悠揚春夢渾  
 無際。關塞路。總迢遞。(前腔換頭) 向蘭闥入夢依稀。爲經雨暫飛猶  
 滯。况重簾隱隱。欲投無計。枉自相隨油壁。猶叩花房。風動還空退。殘  
 紅零落也。伴香泥。浪撲金鞍送馬蹄。花間約。休分對。奈悠揚春夢渾無  
 際。關塞路。總迢遞。(前腔) 正東城雙宿雙飛。又南浦離羣失隊。嘆  
 花溪深杳。再逢何地。應是狂隨香絮。舞入梨花。畢竟難尋覓。乍來還去  
 也。是和非。何日牆頭接翅歸。花間約。休分對。奈悠揚春夢渾無際。關  
 塞路。總迢遞。(節節高) 誰餘故館基。野花迷。漫隨烟翠投荒砌。空留滯  
 。芳草凄。蒼苔蔽。踽踽弱態今何地。芳魂應逐秋風逝。半載分離不多時

。春來依舊重相會。（前腔）輕盈漢殿姬。素蛾眉。粉容旖旎春香膩，  
迎風倚。着露歛。經烟醉。霓裳舞罷歸環珮紛紛。盡入宮牆內。半載分離  
不多時。春來依舊重相會。尾聲深宮鎖日重門閉。對簾櫳午漏盡稀  
。榻得藤王畫品奇。

## 春思

明武陵仙史

選

曲

（南呂香徧滿）人歸春仲。凋殘玉顏微惹紅。祇爲愁長憎晝永。陽臺何處  
通。雲山幾萬里。都來愁悶中。暗裏把韶華送。（懶畫眉）隔院梨雲玉  
玲瓏。紅豆輕拈纖手慵。淚痕千點濕衣封。望入桃花洞。錦字如今尙未逢  
。（一犯梧桐樹）（梧桐樹）山花媚曉風。海燕棲高棟。翡翠簾開。銀蒜雙鉤  
控。（針線箱）憶前春有個人兒共。到如今花自飄零柳自濃。（五更轉）無端黃鳥  
枝頭弄。不管愁人。驚破相思幽夢。浣溪紗竹影搖。花陰動。竹和  
花低護簾櫳。笙吹銀字啼孤鳳。瑟壓冰絃泣斷鴻。離思冗。更那堪隔窗兒

○明月影。欲窺人直上梧桐。（劉撥帽）懨懨春病沉沉重。倚牙牀懶爇熏籠。翠衾珊枕成何用。睡思濃。寶帶輕輕縱。（秋夜月）幃半空。看腮雪鬢雲凍。寂寞誰憐春宵永。相思一種愁千種。似愁波亂湧。似愁山亂聳。（東甌令）知他向烟花隊。粉香叢。團扇章臺跨玉驄。珊瑚鞭引黃金鞵。笑指着琉璃甕。低按月溶溶。人面倚芙蓉。（金蓮子）空教我雲鬢蓬。眉兒顰蹙心兒痛。悄沒處。將鱗鴻信通。恨煞那別離時。把紅冰彈却唾紅茸。（尾聲）織迴文。燈前誦。梨花門掩月朦朧。霧鎖巫山十二重。

## 題聽秋齋

明 陳憲卿

（商調梧桐樹）秋風一夕生。秋雨千林淨。晏坐高齋。蕭颯還堪聽。鴻飛天正高。月上人初定。欲覓秋聲。共把闌干凭。謝家玉樹相輝映。（以下南呂）  
（東甌令）來無影。去無形。但逐霜砧徹夜鳴。流螢落葉紛三徑。乘金氣行時令。誰教萬籟此中生。草木本無情。（大聖樂）振林梢忽入簷楹。驚菼牀



幽夢醒。擁殘姜被添吟興。還倚杖在閒庭。子綦正爾形神化。宋玉何勞感慨生。烏不定。恍疑是、壘篋迭奏。雙耳冷冷。（解三醒仙呂）趁新涼好拚醅酌。任齋頭圖史縱橫。蕭條已入寒空靜。審地裏弄淒清。似寂寥雁向南雲唳。似斷續蟬從灌木鳴。星河瑩。羨歐陽賦就。擲地金聲。（尾聲）隱几思。浮杯聽。雖然是秋聲蕭瑟動江城。看取一夜池塘春草生。

## 詠月

明施子野

（商調梧桐樹）松間漸漸明。柳外微微影。探出花梢。移向東樓迴。低低與几平。淡淡當窗映。雲去雲來。磨洗千年鏡。照鞦韆院落人初靜。（以下南呂）（東甌令）山烟暝。柳烟晴。放出姮娥羞澁影。裝成人世風流境。搖幾樹西廂杏。浩然風露夜冥冥。細語立中庭。（大聖樂）透疎簾照入虛清。進鴛幃。窺倩影。玉人何處瓊簫冷。心上事夜香亭。多應是半輪慘淡相思鏡。還可是萬里長空望遠情。梨花夢醒。早鶻啼恨血。草荒烟暝。（解三醒仙呂）有多

無及少闌干露冷。有多少高燭花明。看多少南樓好句裁三影。有多少紫袖  
 籠燈。有多少曉風楊柳紅牙板。有多少歌館樓臺義甲爭。歌娛境。多應是冰魂  
 蕩漾。逗出風情。〔前腔〕更多少空窓對影。更多少小閣挑燈。更多少樓  
 江面掩琵琶冷。更多少茅店霜清。更多少悲筇曲罷關山靜。更多少玉笛吹殘  
 參斗橫。無人並。多應是冰輪相伴。照我多情。〔尾聲〕一些兒。清光鑿  
 。幻出人間萬古情。我只素向百花樓上等。

## 寄遠人

蒲梁伯龍

〔南呂九變山〕香羅帶 江東日暮雲。寒鴉遠村。關河千里勞夢魂。四  
 年不見倍傷神也。〔犯胡兵〕黛眉多瘦損。往來空寄信。雖然要打聽近行  
 踪。無人可問。〔懶畫眉〕鳳城車騎日紛紛。只得勉強支持病裡身。羞羞郎  
 不是箇中人。〔醉扶歸〕最憐有線無針引。因此上杜陵來去沒寒溫。倒不如崔  
 生白晝常親近。〔梧桐樹〕香囊刺繡新。畫扇描蘭俊。自着春衫。束得腰

曲

選

身緊。寄時萬縷縈方寸。(瑣窻寒) 一星星意真情懇。偶聞君。從水館寄閒身。這忘機鷗鷺休親。(大迓鼓) 相逢期孟春。上元佳節。撥火黃昏。尺書何事無憑準。(解三醒) 今回首又遇春分。長江且是東風順。况一騎丹陽便到白門。還思忖。(劉撥帽) 萍踪或赴他鄉郡。屈指輪。夏月看看盡。(尾聲) 秋來又見歸鴻陣。倚樓南望正斜曛。却拚和淚滅書再寄君。

## 梅花

明施子野

(南呂懶畫眉) 一枝花發粉牆西。向雪洞風檐深見伊。瓊枝玉帶一時肥。針竇窻香細。只見疎影中間獨鶴。(不是路) 秀骨冰肌。占斷江南第一枝。丹青意。天然標格瘦離披。伴人兒。和烟冷淡空園裡。伴月微茫淺水時。魂搖曳。春寒小閣迷香氣。茗蘆詩筆。茗蘆詩筆。(掉角兒序仙呂) 冷春心寂寂和泥。蝶來遲要尋無計。閉朱門空老殘香。向樓頭那人憔悴。况更是壓溪橋。橫占路。點宮粧。粘驛信。也總無情思。霜欺雪妒。風篩。

露啼。還有個清明細雨。酸子黃時。  
○  
（尾聲）樽前一瓣風吹至。  
○  
重向燈前  
瞧認伊。原來是幻出林逋無字詩。

總

目

84

曲選 南曲部

黃鐘

初春看晴雪

明 陳蓋卿

曲

選

(黃鐘畫眉序) 初霽雪峰高。飛閣披雲恣遐眺。看注山百二。盡幻瓊瑤。  
喜樽前花萼相輝。聽曲裡陽春同調。放懷共作長鯨飲。莫負太平佳兆。  
(前腔) 貝闕鬱岩嶢。化日浮空雪逾皎。况君家樓榭。直上烟霄。檻凭來玉  
樹交加。風過處彫雲如掃。放懷共作長鯨飲。莫負太平佳兆。(前腔) 投  
簡得詩豪。乘興休輕放歸棹。任樓頭日暮。還擬通宵。見冰壺纔墜金烏。  
指玉兔俄生瑤島。放懷共作長鯨飲。莫負太平佳兆。(前腔) 絳蠟不須燒。  
雪色蟾光兩輝耀。羨寒流桂影。素積梅梢。似浮槎遠泛銀河。疑不夜驚  
飛鳥。放懷共作長鯨飲。莫負太平佳兆。(滴溜子) 謾說道踏雪的。騎驢  
灞橋。謾說道愛月的。胡牀坐爨。怎如今宵兼好。呼童向綠蕉。旋將雪掃

。月底烹茶。渴吻頓消。(雙聲子)東風峭。東風峭。張翠幙銀屏繞。明月皎。明月皎。照積雪金樽倒。獸炭燒。獸炭燒。龍涎裏。龍涎裏。占人間天上。三五良宵。(尾聲)謝家兄弟多奇抱。雪月都收入綵毫。歌舞留人夜正遙。

## 西湖

明闕名

選

(黃鐘畫眉序)湖景畫難摹。天巧誰能逞毫素。羨名誇兩浙。勢壓三吳。縹渺見雲氣相連。斷續有嵐光能補。豈無富貴繁華處。那有此中佳趣。(前腔)畫舫最寬舒。日有遊人載歌舞。映長堤疎柳。淺水紅蕖。就船買魚筒芳鮮。隔岸送鶯花嬌嫵。四衢不礙登山足。車馬任他來去。(前腔)人物盛文儒。世代傳留好名譽。有鄴侯李泌。處士林逋。香山老風月襟懷。東坡叟文章胸腑。也須多得湖山助。不枉後人傾慕。(前腔)宋室此曾都。鳳舞龍飛應南渡。嘆昔時行在。此日荒墟。五國城滿目蒼煙。萬松嶺傷

黃土。笑渠與廢難逃數。枉自虎爭雄據。(神仗兒)傷今慨古。傷今慨古。一成和議。竟失廟謨。自捐擎天玉柱。可憐神州不復。使人悽楚。但淚灑岳王墓。(前腔)徘徊看取。徘徊看取。層巒疊嶂。各呈畫圖。變幻陰晴朝暮。隱隱六橋環繞。雁汀鷗渚。更何地認蓬壺。(滴溜子)靈隱寺淨慈寺。梵王戒宇。石屋洞栖霞洞。高士隱居。到此頓消塵慮。躋攀未可休。再穿徑塢。布機青鞋。豈憚路途。(前腔)南高峯北高峯。斷霞千縷。上天竺下天竺。怪木萬株。巒景還宜前步。分明人世中。埋沒洞府。回首南屏。轉覺路迂。(雙聲子)閒酬和。閒酬和。前輩春行句。休傷感。休傷感。舊日冬青樹。人已娛。人已娛。鳥更呼。鳥更呼。愛如簧舌弄。混人笑語。(前腔)凝眸觀。凝眸觀。暝色浮樽俎。側耳聽。側耳聽。遠浦鳴簫鼓。日漸晡。日漸晡。興未孤。興未孤。更無妨待月。片時延佇。(尾聲)此湖欣賞休輕負。好會吟詩朋酒侶。准擬重來作地主。



## 閨九登雨花臺

明 陳盡卿

選曲

(黃鐘畫眉序) 山郭覽秋暉。與客攜壺上翠微。況時常閨九。杖屨叨陪。百年人幾遇良辰。六代勝還輸帝里。這回再把茱萸醉。不妨破帽風吹。(前腔) 霜樹暗禪扉。千仞峯頭一振衣。看亭開鳥外。客到雲齊。問龍山往日風流。可能似今朝兩逢佳會。這回再把茱萸醉。不妨破帽風吹。(前腔) 江白雁羣飛。天外三山望不迷。休嘆松湫遠近。禾黍高低。冶城上縹緲丹霞。寢園內蘂蔥紫氣。這回再把茱萸醉。不妨破帽風吹。(前腔) 何必舊烏衣。處處笙歌逐馬蹄。望六街三市。搖颺青旗。戲馬臺落日蒼涼。長干道秋風佳麗。這回再把茱萸醉。不妨破帽風吹(滴溜子) 休說那千秋事。許多是非。記從前二十載。曾逢此日。客來湖山雅集。烟霞人品題。淹留竟夕。折滿把黃花。醉斂接羅。(鮑老催) 到如今詞盟漸稀。白楊青塚傷別離。看花對酒懷故知。嘆流光。箭離絃。駒過隙。乘時且看東山展。蹉跎此會追

無及。忍對却西風泣。〔滴滴金〕入江返照翻孤壁。天際浮圖逗金碧。蒼茫萬井寒烟起。獨自煮山泉。攀松石。風生兩腋。任林端空翠衣裳濕。一霎時月上峰頭。傍人咫尺。〔雙聲子〕鶯喉細。鶯喉細。歌白苧明僮集。蘭香襲。蘭香襲。斟綠醕長鯨汲。歡聲沸。歡聲沸。閒愁釋。閒愁釋。倩人扶殘醉。踏月遲歸。〔尾聲〕重陽值閨原無幾。况復陰晴未可期。因此把勝日風光兩度題。

## 詠雪

明施子野

〔黃鐘畫眉序〕水墨寫江天。繡閣紅爐尙寒淺。記梅梢綻玉。柳徑拋綿。徧人間淨掃紅塵。把世界別開生面。眼前儘受瓊瑤供。戲答與豔歌珠串。一前腔〕薄暮北風顛。窓外翠峰晚宜遠。見蒼茫萬樹。恍惚遙天。但漁叢幾點模糊。更雁子半沉哀怨。眼前儘受瓊瑤供。戲答與豔歌珠串。〔前腔〕鸞鵲皓躡躡。可是瑤池夜仙宴。忽燒銀徧野。種玉成田。白初粘草舍茅纏。

## 曲

## 選

紅不滅梵王宮殿。眼前儘受瓊瑤供。戲答與豔歌珠串。（前腔）忽舞到筵前。瑞木花殘散零亂。向釵頭拂落。又上爐烟。付詞人選韻閒評。倩紅袖淺斟低勸。眼前儘受瓊瑤供。戲答與豔歌珠串。（滴溜子）想幾處熏天翠溫珠煖。更誰人遠成。衣單騎蹇。總入江天一片。高談抗冷豔。笑寒髮世間人面。且儘隨他。冷談因緣。（鮑老催）人疑是仙。瓊宮瑤宇移眼前。幽情冷趣容我偏。把瓊鬘翦。教玉手煎。把雙柑薦。圍爐一曲歌團扇。何慚錦帳羊羔宴。陡詩骨逾雄健。（滴滴金）紗窗夜掩寒尤顫。寒鴨香熏翠成篆。銀缸燼暗紅堪翦。只聽得似飛花。凝碎玉。麝風夜戰。向梅邊竹外爭恩怨。我只把老衲閒心。和梅嚼嚙。（雙聲子）描不了。描不了。八萬里長天絹。填不斷。填不斷。七千里長江線。凝雲片。凝雲片。催風箭。催風箭。眼見得炎炎塵世。打滅空烟。（尾聲）耐他徹骨寒翦。容我安閒擁絮眠。怎消得煨芋清香草榻前。

## 客懷

明文三橋

(黃鐘畫眉序)白露破青烟。曙色波光宛如練。見蕭條景物。易把愁牽，家鄉裏空自留連。山水興總難消遣。滿懷無限淒涼處。芙蓉冷落誰憐。(黃鶯兒以下商調)茅舍兩三椽。傍危橋淺水邊。蓬窗獨倚長吁遍。寒江接天。寒山影懸。征人怕覩孤飛雁。悄無言。驪歌在耳。不覺又經年。(集賢賓)層巒萬疊如翠纏。飛泉瀉石涓涓。蕭寺疎鐘人漸遠。頃刻間行過前川。遙聞籬犬。幾度盼青帘招展。灣再轉。凝望處白雲千片。(琥珀猫兒墜)碧灘風冷。紅樹咽啼鶯。似寫長途離恨篇。巫山影斷夢中懸。無緣。甚日得重回。舊家庭院。(尾聲)異鄉風景都嘗遍。回首教人思慘然。怎能殺歸夢剛剛到枕前。



曲選 南曲部

越調

寄南都褚蒨

明 梁少白

（越調小桃紅）江東逐客。兼北歸鞭。款來往一似梁間燕也。寥落關河底。飄泊是何年。東風裡哭啼鷓。空奔走會芳亭。麗春園。秋香館。直踏遍朝雲殿也。笑殺漁郎緣分淺。漫回首各風煙。知何處武陵源。（下山虎）金陵佳麗。粉黛三千。喚做司花吏。可便萬中堪選。怎知有燕乳鶯雛。花濃柳鮮。似蝶翅翩翩風外軟。沼上湘簾捲。一朵紅粧出水蓮。聞說道名爲蒨。纖柔可憐。未許并刀却把小紅翦。（小麻稽）試叩却。深深院。誰知道會合芳辰。就我良緣。嬋媚。天生下一種的芙蓉嬌面。霎時間花遮柳擁。驚迷蝶戀。思惹情牽。（五韻美）向紅樓。行遊徧。清歌妙舞多歡宴。似娘行真覺衆中鮮。香閣靜婉。羞檢點銀嬋金鈿。似只是描蘭草。展翠箋

曲

選

。傷千古寫出南朝。都是故宮廢苑。（蠻牌令）初掩映夜燈前。衷腸事苦難言。蘇卿情性徹。都付與四條絃。一心念雙牛軟款。那被管上水茶船。今日裏臨邛路。豈偶然。踟躕蹕更將。琴韻偷傳。（五般官）他肯戀章臺中。青驄錦鞵。他豈想侯門內，翠屏綺筵。他是個新謫的洞中仙。咱是個谷口渡口。採芝劉阮。他那裏情何婉變。俺這裏行常黽勉。雖則是擔閣了盟言。料佳期應不遠。（江頭送別）傷春瘦傷春瘦。別來誰眷。悲秋淚悲秋淚。會須自遣。不久錦堂還重見。休只管日夕熬煎。（憶多嬌）他志堅。恁意專。牛女盈盈一水牽。難道月圓人未圓。暗告蒼天。暗告蒼天。有片星迴斗轉。（尾聲）年華輾轉銅壺箭。但促急音書無便。相憶看雲白日邊。

## 湘江弔屈大夫

明 梁伯龍

（越調小桃紅）星沙舊國。羅水空江。極目多風浪也。爲弔孤忠魂。迢遞下瀟湘。携桂酒奠椒漿。試問放何時。黜何方。魚腹是何年葬也。歲久沉淪徒想

像。看煙水微茫玉殿鎖荒涼。  
（下山虎）江籬漠漠。山樹蒼蒼。廟閣精靈  
肅。殘碑半疊砌旁。神何在。月冷蘭橈。香消藥房。應是魂兮歸故鄉。環珮  
時來往。雲慘江昏徙倚望。遺範空追想。落月屋梁。贏得年年鶻客觴。

（蠻牌令）江燕語集危檣。神鴉舞送征航。千載遊魂招不返。只落得淚徬徨。  
。况淒淒鷓鴣啼廟口。更清清竹映船窻。挹清風。山水長。碌碌浮生。甚愧

行藏。尾聲。孤臣自分波心喪。襄王何事夢中忙。空令得同悲宋玉賦高

唐

選

詠鷺燕蜂蝶

明祝枝山

（越調祝英臺）展金衣，彈玉管。求友競遷喬。衝破翠煙。一點深黃。分得  
豔陽多少。輕巧。把鳳笙銀簫鬆調。唱道上林春好。怎知道却把佳人驚覺  
。前腔換頭）清曉。柳眉邊。花心畔。來往恁縈繞。栽翦綠陰。凝滯紅  
芳。一任把金梭呈巧。偷瞧。傍桃花巧語綿蠻。細把春心訴告。怪天女又



向枝頭聽了。(前腔)分曉。差池上下于飛。無計定新巢。尾掠剪刀。烟染烏衣。紅杏枝頭春鬧。向早。謝東君細雨調和。點點香泥融了。料應是幾片落花相攪。(前腔)重到。共呢喃記里尋鄰。綠水尙圍遶。嫁柳婚花。遠暖偷寒。結取舊時歡好。蘇小。道恨伊不管流年。把春色銜將去了。却一霎飛入昭陽姓趙。(沉醉海棠花以下雙調)(沉醉海棠)弄春色憑花附草。奈娥兒把花心牽擾。(月上海棠)翠紅鄉終日追遊。全不管腰肢纖小。(紅衫兒)教他繡幙深藏。管取暗中偷到。(前腔)受用盡花房深奧。雌黃嘴硬媒強保。倚疎狂侮弱欺嬌。把綻蕊花鬚割了。一任春褪嬌黃。只落得味甜香飽。(川豆葉)大都來輸他鳳子逋僧。看炙日調風。綠愁紅惱。道賈女香濃。何郎粉少。雙玉片薄。越頻搖。趁狂心舞風斜裊。得意瓊鬢輕料峭。(前腔)世不似莊周魂夢顛倒。是則是宿粉香。福分非小。再休題舊恨英臺。只願把唐宮信報。更拚取膩粉全消。莫待他落花芳草。傍綠挨紅情渺渺。(

尾聲) 雄蜂雌蝶綢繆好。伴乳燕雛鶯同老。占斷花間四友交。

秋夜有懷

明闕名

曲

(越調綿搭絮) 長空如洗。薄暮雨初收。誰駕冰輪。碾破玻璃萬頃秋。怕登樓。牽惹離憂。縱使清光照我。未審可照他州。想是獨宿嫦娥。也與人間無二愁。(前腔) 花容消瘦。默默自含羞。猛憶當年。枉把明珠暗處投。甚來由。去覓封侯。未審青驄何處。浪蕩他州。爭奈分短緣慳。兩地相思一樣愁。(前腔) 人間天上。今夕是何秋。看織女牛郎。已渡銀河配鳳儔。恨無休。兩淚交流。不是姻緣反目。恩變爲仇。命薄紅顏。翻做了招魂宋玉愁。(前腔) 寒衣未授。大火又西流。只見北雁南來。衰草茫茫無盡頭。望歸舟。人倚西樓。似一黃花消瘦。鬼病難瘳。又聽吹笛誰家。落日山陽總是愁。

選

秋江送別

明高瑞南

## 曲

## 選

(越調小桃紅) 秋江一望淚潛潛。怕向那孤篷看也。這別離中。生出一種苦  
 難言。自拆散在霎時間。多只爲心兒裡。眼兒邊。血兒流。把我的香肌減  
 也。恨殺那野水平川。生隔斷銀河水。斷送我春老啼鴉。(下山虎) 黃昏月  
 下。意惹情牽。纔照得雙鸞鏡。又早買別離船。哭得我兩岸楓林。做了相  
 思淚斑。打疊淒涼今夜眠。喜見你多情面。花謝重開月再圓。又怕難留  
 戀。離情萬千。一似夢裡相逢愁怎言。(五韻美) 意兒中。無別見。我忙來  
 不爲貪歡戀。只怕你新舊相看心變。追歡別院。怕不想舊有姻緣。部其  
 拼個死。口含冤。到癸靈廟訴出神前。和你雙雙罰願。(黑麻序) 想着你初  
 相見心甜意甜。想着你乍別時山前水前。我怎敢轉眼負盟言。我怎敢忘却  
 些燈邊枕邊。只愁你形單影單。只愁你衾寒枕寒。哭得我哽咽喉乾。好一  
 似西風斷猿。(憶多嬌) 兩意堅。月正圓。執手叮嚀苦掛牽。我欲共你同行  
 難上難。早寄鸞箋。免使我心懸意戀。(尾聲) 夕陽古道催行晚。千愁萬恨

別離間。暮雨朝雲兩下單。

曲

選

選 曲

100

曲選 南曲部

商調

客中春思

明楊升庵

曲

選

(商調二郎神)人不見。正三五銀蟾影乍圓。怪玉笛飛聲來別院。紫姑香火。聽一叢士女聲喧。欲卜歸期暗擲錢。又爭奈卦中爻變。關山遠。真個是斷腸千里風烟。(前腔換頭)嬋娟。從他別後。萍流蓬轉。在多病多愁成偃蹇。記名園花底。雙雙笑挽鞦韆。回首雲程隔楚天。燕來時黃昏庭院。關山遠。真個是斷腸千里風烟。(集賢賓)王孫久別懷故園。東風芳草芊綿。夢斷魂勞人又遠。對花枝空憶當年。香嬌玉軟。那做了鳳悲凰怨。難消遣。知甚日愁眉雙展。(前腔)海棠經雨脂色淺。買春愁滿地榆錢。雪絮成團簾不捲。日長時楊柳三眠。樓高思懸。空目斷平蕪如剪。難消遣。知甚日愁眉雙展。(黃鶯兒)暖日破朝烟。怪鶯啼畫檻前。閒將往事尋思遍。情題

錦箋。魂依翠鈿。一場春夢從頭變。惡姻緣。雲收雨散。不見尺書傳。

〔琥珀貓兒墜〕紅稀綠暗。最是惱人天。一片春心怯杜鵑。祇將別恨付鴉絃。潸然。對萬里天涯。落日山川。〔前腔〕水流花謝。春事竟茫然。只爲

春帶愁來到客邊。奈春歸愁不與同還。潸然。對萬里天涯。落日山川。

〔尾聲〕臨風悵把花枝撚。怕憔悴傷春人面。且倒金樽花前學少年。

曲

秋懷

元高則誠

選

〔商調二郎神〕人別後。正七夕穿針在畫樓。暮雨過紗窻涼已透。夕陽影裡。見一簇寒蟬衰柳。水綠蘋香人自愁。况輕拆鸞交鳳友。得成就。真個勝似腰纏跨鶴揚州。〔前腔〕風流。當年韻事。嬌花寵柳。記待月西廂攜素手。爭奈霎時話別。匆匆雨散雲收。一種相思分做兩處愁。雁來時音書未有。得成就。真個勝似腰纏跨鶴揚州。〔集賢賓〕西風桂子香韻幽。奈虛度中秋。明月無情穿戶牖。聽寒蛩聲滿牀頭。空房自守。暗數盡譙樓更

曲

漏。如病酒。這滋味那人知否。（黃鶯兒）霜降水痕收。迅池塘已暮秋。  
滿城風雨還重九。白衣人送酒。烏紗帽戀頭。想那人一似黃花瘦。強登樓。  
雲山滿目。遮不盡許多愁。（前腔）惟酒可忘憂。奈愁懷不瀟酒。幾番  
血淚拋紅豆。想思未休。淒涼怎守。老天知道和天瘦。強登樓。雲山滿目  
。遮不盡許多愁。（琥珀猫兒墜）綠荷蕭索。無可蓋眠鷗。淺碧鄰鄰露遠洲  
。羈人無力冷颼颼。添愁。悄一似宋玉賦高唐。對景傷秋。（前腔）一團  
紅蓼。相映白蘋洲。傍水芙蓉兩岸幽。想他嬌豔倦凝眸。添愁。悄一似宋  
玉賦高唐。對景傷秋。（尾聲）一年好景還重九。正橘綠橙黃時候。強把  
金樽送客愁

## 擬漢宮春怨

明梁伯龍

（商調二郎神）銅壺轉。奉箕帚又平明宮殿。記少小披香曾侍宴。鑿與別後  
。椒房寂寞多年。風送西宮歌吹遠。嘆薄命承恩何淺。恨無緣。縱黃金求



曲

選

賦文章更有誰憐。（前腔）花磚。飛英亂疊。湘簾高捲。奈春鎖重門深小院。怕鞋侵荒蘚。瑤階欲下還旋。何日得碾破蒼苔玉輦。愧隨例臨朝空見。恨無緣。縱黃金求盡丹青竟有誰憐。（轉林鶯）思家何處魂夢懸。淹淹弱息難延。九十日春光愁與怨。病膏盲日夕牽纏。腰肢瘦軟。宮醫有倩誰呼喚。淚綿綿。書封戰襖。投向阿誰邊。（前腔）閒宵欲賦紈扇篇。奈秋風篋笥空捐。月過房櫺針繡倦。這深宮午夜誰喧。怪金鈴小犬。吠花影隔簾空轉。淚綿綿。詩題紅葉。流向阿誰邊。（黃鶯兒）錦瑟倦調絃。對春花哭杜鵑。開簾羞覩雙飛燕。他那裏歡娛夜喧。我那裏寒窗晝眠。緣何一宮之內溫涼變。會何年。鼎湖龍去。除是共登仙。（前腔）粉黛浪三千。念當初寵最先。爲甚十年不識君王面。非君故偏。似妾故專。而今懊悔却又難重見。會何年。翠華雲暗。除是共陵園。（琥珀猫兒墜）烟橫閣道。日落斷傳宣。銀鑰隨收金鎖穿。花房夜搗守宮鮮。天天。又早是門掩黃昏。銀

燭空燃。(前腔)君恩浩蕩。不是誤嬋娟。自恨孤身多命蹇。今生已矣還結後生緣。天天。又早是月落烏啼。銀漏空傳。(尾聲)傷心過處還消遣。自甘受一生微賤。聖主從教億萬年。

## 夏閨寄遠

明陳靈卿

(商調二郎神)縈懷抱。見首借榴花偏近郊。狂蹙損蛾眉人未掃。梅肥雨細。鶯聲老却林。腸斷蕭郎書信杳。彈不就南薰高調。瓜期到。怕無緣水漲危橋。(前腔)無聊。日長似歲。房櫳靜悄。綠暗槐陰庭院小。嘆容顏憔悴。羞將團扇輕搖。扇上分明酬唱好。到如今全不念花前同調。愁多少。把機中錦字慵挑。(轉林鶯)江南雲樹魂夢遙。懨懨溽暑難消。自憐空有蓮花貌。怪文禽兩兩遊遊。雕闌斜靠。博山內水沉香裊。擘金翹。蘭湯浴罷。湘簾展涼颭。(琥珀貓兒墜)我藕絲悶雪。你冰水向誰調。南浦清江水上橋。玉人明月教吹簫。歡笑。閃得我萬點相思。暗灑蛟鮪。(前腔)欲隨雙

鯉。逆浪故相邀。自古菱舟不怕搖。只恐潯陽江上不通潮。煩惱。把幽恨  
柔情。寫滿冰<sub>相</sub>。(尾聲)看看歧路生秋草。君須放江東歸棹。莫教我一點  
山螢照寂寥。

詠楊花

明席閔仙

〔商調集賢賓〕天涯芳草歸路迷。撲簾晴雪紛飛。硯上殘英環更起。似流連  
寂寞香闥。飄搖樹底。耐不得顛狂滋味。纔午睡。怕游絲浪生繁蕊。(前  
腔)濛濛如雪封滿堤。霎時白染山溪。打碎香毬和露洗。儘空條雨過鶯啼  
。輕扶淺醉。正點點殘陽斜墮。無氣力。困煞人望眼愁眉。(黃鶯兒)亂撲  
繡簾低。化萍蹤入水湄。半生浪逐風波悴。柔觴頓擢。眉峰頓披。無情南  
北粧新砌。漫遲回。衣裳惹處。蜂蝶錯相隨。(前腔)風舞綴苔磯。煖春雲  
喚子規。還疑片片遊人涕。珠簾乍窺。征鞍乍隨。纔圓却散霜華碎。捲霏  
微。山背曉霧。漂泊壓漣漪。(琥珀猫兒墮)浪游不定。牽惹玉驄嘶。剛掃

闌干透玉圍。疎疎恰似薄情移。蹉蹉。那些時懶自悠揚。幻想迷離。(前腔)  
 牆頭忽度。又早過前溪。曾傍長門臥御墀。青春逗引得性兒痴。傷悲。  
 更憑他早嫁東風。此恨誰知。(尾聲)眼看春色如流水。曉日紗窗落燕泥。  
 聚散無情難定期。

## 宮詞

明沈子苜

選

(商調集賢賓)登樓倚檻看暮景。白漫漫天闊雲平。浸地面池臺流倒影。透  
 西風月戶雲扁。把花翹暗整。粧樓下飛螢不足。愁愈逞。空望斷碧梧金井。  
 (簇林鶯)簇御林驚瓊珮。吹玉鈴。隔羊車。囚鳳城。菱花獨舞鸞鏡。黃鸝  
 兒淒涼四星。迢遙五更。碧烟虛沉水消金鼎。料今生。弧辰寡宿。不敢怨  
 長庚。(啄木兒)寒風緊。鴛被輕。溫不過雙鉤羅襪冷。亂紛紛葉走庭除。  
 影蕭蕭竹掃窗楹。自來羈人與悶懷難爭競。况我瘦身軀怎和愁腸掙。剛剩  
 害怕恩情骨一莖。(琥珀貓兒墜)秋蛩夜語。委實不堪聽。啼樹宮鶯不住聲

○被愁魔業鬼攪魂靈。無憑。怕只怕魂斷天涯。有夢難成。(尾聲)夜闌燭滅人兒靜。疎檣裏新月照人明。傲殺姮娥無世情。

## 惜春

明沈子苜

## 曲

(商調集賢賓)枝頭幽鳥剛弄舌。怯春歸似有傷嗟。柳色纔青花半謝。碧天邊遠水千疊。遊絲萬結。沒定奪夕陽明滅。心寸折。怕黃昏燕來時節。啄木鷗。啄木兒音書遠。途路賒。點點星眸啼未歇。泣啼痕露滴瓊珠。倩東風簾捲香雪。粉牆倦飛雙蝴蝶。看看送春催鷓鴣。舊恨初消新恨接。黃鸝兒日暮正愁絕。(琥珀貓兒墜)綺窻寂靜。掩映翠屏遮。斷送春心無話說。梨香院落篆烟斜。磨折。又早見西軒。半輪殘月。(尾聲)高燒銀燭從今夜。好風光未可輕別。留得東君少住些。

## 題情

滿文衡山

(商調山坡羊)春染郊原如繡。草綠江南時候。和烟襯馬滿地重茵厚。堪醉

曲

選

遊。殘花一徑幽。烏衣巷口還依舊。燕子歸來人在否。添愁。桃花逐水流。  
 ○還愁。青春有盡頭。(前腔)花褪殘紅香瘦。院靜綠陰清晝。荷香扇暖撲  
 面薰風透。景物幽。臨池送酒籌。齊紈扇底聞歌奏。也勝蘭橈杜若洲。忘  
 憂。亭亭映碧流。還愁。情多似拙鳩。(前腔)一種情根迤逗。兩簇眉峯頻  
 皺。前番病了兀自今番又。心暗羞。重牢似楚囚。黃花笑我因誰瘦。只爲  
 伊家不到頭。休休。春風燕子樓。颺颺。秋風鬢欲秋。(前腔)蕭寺晨鐘聲  
 驟。驚夢魂飛巫岫。雲收雨歇獨自空儂懣。被裏頭。無端淚暗流。雙眸強  
 合難將就。這未了情緣甚日勾。悠悠。恩情逐浪鷗。無由。音書久未收。



曲選 南曲部

雙調

壽筵

明 鄭虛舟

曲

(雙調錦堂月)(書錦堂)舞架紅英。翻階翠葆。修篁數枝相映。小鑿圓荷。池塘乍弄新晴。萱花暖駐春瑤池。桐葉暗晝長金井。(月上海棠)延麗景。但歌徹南飛。共酬佳興。(前腔換頭)堪並。岱岳增榮。駢來五福。遐齡已見川增。萼綠飛瓊。相將駐顏同永。蓬壺上鶴算齊添。繡幌內鸞鏡初整。延麗景。但歌徹南飛。共酬佳興。(前腔)歡慶。金屋娉婷。紅顏窈窕。芳妍可並雙成。青鬢流年。花滿玉臺明鏡。舞霓裳時度雲和。歌寶扇重尋月影。延麗景。但歌徹南飛。共酬佳興。(前腔)思省。花月樓臺。笙歌庭榭。猶憶少年馳騁。暮去朝來。眞如覆塵難憑。青陰重巫峽春歸。黃葉慘潯陽秋冷。延麗景。但歌徹南飛。共酬佳興。(醉公子)欣幸。正年少芳華鼎盛。

選



且莫惜黃金。若羞囊罄。畢竟。願共效齊眉。白首雙飛永此生。拚酩酊。算此樂人間。不減登瀛。(前腔)須聽。論衣紫腰金有命。信閒處光陰。隙駒難定。那更。怕堅閉愁城。攻破還教仗酒兵。拚酩酊。算此樂人間。不減登瀛。(僥僥令)簷牙斜日暝。簾額晚風輕。看湖上好風一帶青來迴。新月上山城。天際明。(前腔)蓮花紅燭影。鐵撥紫槽聲。一在屢寫縱橫交爭競。香霧轉冥冥。雲錦屏。(尾聲)王侯宅第多鐘鼎。念此日風流遠勝。聽一片簫韶奏雅聲。

## 夜思

明 陳海樵

(雙調鎖南枝)黃昏後。鼓一更。知君讀易臨小亭。燈火隔簾明。人聲四鄰靜。停樽待。掃徑迎。猛可的月移花。渾疑是君影。(前腔)天街寂。二鼓鳴。思君此時支短檠。庭草繞窻生。囊螢燦相映。簾垂盡。戶半扃。猛可的竹生風。疑君踏莎徑。(前腔)三更轉。月正明。知君着牀猶未甯。鐵馬傍

簷鳴。銀河照天耿。欵鴛枕。對畫屏。試展寄來書。如君對烹茗。(前腔)  
譙樓鼓。剛四聲。思君不來杯盞停。玉手罷調箏。金鑪篆香冷。燈初暗。  
枕半橫。可喜見君時。原來是夢初醒。(前腔)殘更斷。星斗橫。思君出門  
來未曾。隔水一雞鳴。喧林亂鴉逞。人將至。喜氣呈。試看枕邊痕。堪知  
夜來景。



曲選 南曲部

仙呂入雙調

歸隱

明王陽明

曲

選

(仙呂入雙調) 步步嬌。宦海茫茫京塵渺。碌碌何忙了。風掀浪又高。覆轍翻舟。是非顛倒。算來平步上青霄。不如泛江東棹。沉醉東風。亂紛紛鴉鳴鵲噪。惡狼狼豺狼當道。費竭良膏。怎忍見人哀號。舉疾首蹙額相告。簪笏滿朝。干戈戰道。等閒間把山河動搖。(忒忒令) 平白地生出禍苗。逆天理那循公道。因此上把功名。委棄如蒿草。本待要竭忠盡孝。只恐怕狡兔死。走狗烹。做了韓信的下梢。(好姐姐) 爾曹難與論交。真和假那分白皂。他把孽冤自造。到頭終有報。設圈套。饒君縱使機關巧。天網恢恢不可逃。(尹令) 算留侯其實見高。把一身名節自保。隨着赤松學道。散誕逍遙。免得雲陽赴市曹。(雙蝴蝶) 待學。陶彭澤懶折腰。待學。載西施范

蠶逃。待學。張孟談辭朝。待學。七里灘子陵垂釣。待學。陸龜蒙筆牀茶  
 竈。待學。東陵侯把名利拋。（園林好）脫下了團花戰袍。解下了龍泉寶刀  
 。卸下了朝簪烏帽。布袍上繫麻絲。把漁鼓簡兒敲。（川撥棹）深山坳。  
 沒閒人來聒噪。跨青溪獨木爲橋。跨青溪獨木爲橋。小小的茅庵蓋着。種  
 青松與碧桃。采山花與藥苗。（錦衣香）府庫充。何足道。祿位高。何足  
 較。從今耳畔清閒。不聞宣召。蘆花被暖度良宵。三竿日上。睡覺伸腰。  
 對鄰翁野老。飲三杯濁酒村醪。醉了還歌笑。齣齣睡倒。不圖富貴。只求  
 安飽。（漿水令）賞春時花藤小轎。納涼時紅蓮短棹。稻登場雛豚蟹螯。  
 雪霜寒純棉布襖。四時佳景恣遊遨。也強如羽扇番營。玉佩趨朝。溪堪釣  
 。山可樵。人間自有蓬萊島。何須用。何須用。樓船綵轎。山林下。山林  
 下。儘可逍遙。（尾聲）從來得失知多少。總上心來轉一遭。把門兒閉了  
 。只許詩人帶月敲。

曲

選

離情

明沈寧菴

曲

選

(仙呂入雙調步步嬌)別鳳離鸞驚時變。新景添新怨。雕窻裊篆烟。青瑣虛涼。翠帷空展。却憶俏嬋娟。酬不了當初願。(江兒水)常想西江夜。熾畫船。芳菲北苑開春宴。七換涼州歌喉顛。一聲金縷香風轉。怕對羞人鶯燕。舊恨從頭。十二闌干凭遍。(園林好)昏慘慘愁城似天。遠迢迢長日勝年。記一笑春風嬌面。燈兒下鬢雲偏。急回首已茫然。(五供養)別來想見。見月缺多時。也有團圓。畫堂深窈窕。歸翼枉踟躕。怕玉鈎未捲。一天愁着誰消遣。訴一晌心間事。寫一幅斷腸篇。等一個峯頭。孤雁回旋。(川撥棹)雙眸倦。看這豔陽時三月天。對一杯悶酒樽前。對一杯悶酒樽前。少一個人兒在眼前。害相思張解元。盼神仙歸洞天。(錦衣香)春衫和淚穿。猶是伊針線玉簫深夜吹。多是君愁怨。傲殺槎頭。金盤雙薦。突他並蒂兩紅蓮。香雲迢遞。蝶浪峰顛。縱東風難見。怕顛倒風吹花片。不

與些兒便。怎生留戀。看看瘦得。沈腰一線。（漿水令）煞靜悄垂楊庭院。虛供養綠暗紅嫣。銀鈎屈曲指駢聯。淋漓紅袖。細草鸞箋。剛刪訂。相思傳。遲遲月上桃花扇。香羅帕。闌珊了。舊盟新願。流蘇帳。冷落了。粉露花烟。（尾聲）愁人怎把閒情遣。一任啼春兩淚懸。誰管領春山雙黛淺。

曲

賞牡丹

明黃叔初

選

（仙呂入雙調）步步嬌。春日春風閒庭院。歌舞開芳宴。名花正滿前。粉黛盈盈。絳羅高捲。惆悵惜華年。舉杯試與花酬勸。（醉扶歸以下仙呂）算從來國色標題徧。嘆浮花等閒空萬千。沉香亭畔倚太真妍。姑蘇臺笑露西施面。分明解語却無言。含情脈脈羞人見。（皂羅袍）照酒紅光欲濺。恰留春春住。風韻無邊。美人一笑自嫣然。佳朝庭外雙飛燕。花開人醉。詩仙酒仙。花殘人去。今年舊年。春風那管飛花片。（好姐姐）洛陽名園可憐。嘆花事於

今難擅。怎如你姚黃魏紫。芳菲三月天。風光轉。肯教富貴羞貧賤。傾國傾城不偶然。

曲  
（香柳娘南呂）觀雲霞細翦。觀雲霞細翦。枝枝穠茜。芳時贏得人爭羨。寄鉛華在眼前。寄鉛華在眼前。榮悴自無端。花神幾曾變。對香風醉眠。對香風醉眠。吾任吾天。總無恩怨。（尾聲）花王隱約無人見。只道今朝心賞偏。聽取陽春醉後傳。

詠梅

明張瘦郎

選

（仙呂入雙調）忒忒令愛他在檀斜水中。愛他是暗香浮動。盈盈粉腕。倒掛枝頭鳳。闌干外正朧朦。怕黃昏。到畫堂。把瑤琴慢弄。（尹令）信寫了江南殘夢。難寄多情小宋。消滅年華誰共。羌笛聲聲。吹向誰家明月中。（品令）尋伊見伊。身在蕊珠宮。濃陰描影。骨瘦是真容。傳消問息。管誰心酸痛。羨他舉止。也只是清標出衆。寂寞芳心。好向瑤臺月下逢。一豆葉



黃) 正瀟瀟度冷。柔雪初融。儘傷心瘴雨蠻烟。空受盡山皴水凍。夜窻半靜。香浮酒濃。眞個是玉兒的魂魄。眞個是玉兒的魂魄。清損在齊宮。待約與蘭香伯仲。(玉交枝) 懶粧斜擁。淡梳勻幽情暗通。湖山搖落相思重。有誰憐玉骨玲瓏。誰教五更人恨風。香篝素聲被成何用。浪經營晴日數蜂。費思量江城如夢。(月上海棠) 雪香叢。枝枝蠟蒂多嬌寵。怨水流花謝。冷薄簾繡。沒來由夜盡心灰。端的是春回事冗。還相送。送郎行南浦。小罵東風。(尾聲) 西園粉褪低枝動。可曾是六橋春夢。雲想衣裳花想容。

唐玄宗還宮感舊

明湯三江

(仙呂入雙調) 夜行船序) 負卸良宵。記當年初見。玉環嬌小。堪憐處。粉黛六宮難較。嬌嬈。雲鬢花顏。慢舞緩歌。回頭一笑。春覺。侍兒扶傍粧臺。懶把鏡鸞高照。(前腔) 無聊。憶昔日繁華。在歡娛錦帳。那知清曉。高樓上。花萼燐煌照耀。逍遙。羽蓋橫遮。珠翠成圍。旌旗前導。來報。西宮閉

宴多時。別院笙歌喧鬧。(鬪黑麻)當朝。時值清平。把涼州唱徹。飛聲噴  
 透。看滿眼春嬌。念奴呈俏。尤妙。賀老絃索高。龜年象板敲。樂陶陶。  
 最喜是日宴彤闈。無事宣麻傳草。(前腔)誰料。蠢蠢胡兒。把漁陽擊鼓。  
 等閒嘶鬧。嘆霓裳羽衣。頓成悲調。堪悼。玉貌驛中凋。香魂何處招。傷  
 懷抱。怕見的金雀玉釵。委地沒人追討。(錦衣香)馬嵬坡。音塵杳。長生  
 殿。生荒草。可惜白髮梨園。守宮都老。孤燈夕殿冷蕭蕭。空遺舊恨。舞  
 榭塵飄。紗窻月照。嘆眼前孤影無聊。寂寞誰人到。心中煩惱。神思撩亂  
 。不似當時天寶。(漿水令)朝元閣西風聒噪。端正樓細雨飄颻。華清留得  
 滑脂膏。沉香亭倒。凝碧池消。山盟盡。海誓杳。私言空托雙飛鳥。鴛鴦  
 瓦。碎瑣瑣。先時夢兆。白蓮汗。香馥馥。尙在蛟鮪。(尾聲)江山錦片都  
 傾倒。只爲姚張盡老。都緣楊李當權生出這禍苗。

## 金陵懷古

明 梁伯龍

(仙呂入雙調夜行船序)萬里濤回。看滔滔不斷。古今流水。千年恨。都化英雄血淚。徙倚。故國秋餘。遠樹雲中。歸舟天際。山勢。還依舊枕寒流。鬪盡古今興廢。(前腔)閒推。江左豪華。羨當年公瑾。小喬雙美。高臺上。銅雀暮雲空閉。驅馳。五馬南來。風景不殊。江山獨異。流涕。曾戮力復神州。終作楚囚相對。(鬪黑麻)烏衣。王榭堂虛。見雙雙飛入。尋常宅裏。歎新洲蘆荻。寄奴曾憩。休退。宮梅點點窺。全蓮步步移。世應非。只見潮打寒城。寂寞夜深空退。(前腔)淒其。商女歌闌。奈烟籠寒水。月籠沙嘴。問臨春飛閣。故宮何地。誰題。亭亭玉樹枝。團團璧月詞。樹降旗。愁殺鐵鎖千尋。一夜盡沉江底。(錦衣香)射雉塲。迷行騎。白鷺洲。餘烟翠。堪笑蕙帳秋風。猿啼鶴唳。令人猶誦北山移。詞臣不見。尋得清溪。向華陽深處。望山中白雲迢遞。莫把長條繫。想靈和殿裡。舊時張緒。而今憔悴。(漿水令)石頭城蕭蕭舊壘。景陽宮寂寂斜暉。臺城留得亂鶯啼。

。松楸遠近。禾黍高低。東山妓。今已矣。鐘聲何處南朝寺。桃葉渡。桃葉渡。淒涼烟水。長干路。長干路剩殘碑。(尾聲)奸雄竊據俱塵世。誰信雲龍窟起。方見崔巍萬載宏基。

冬暮題情

明 陳大聲

(仙呂入雙調黑麻序)檢點梅花。見南枝春信。漏洩今宵。雪糝糊。可堪半壓寒梢。風飄。暗香動且浮。疎英嫩又嬌。正無聊。着意看花。却又被花相惱。

(前腔換頭)清曉。眉黛慵描。整殘粧無語。向花微笑。惜花人。此時音問寥寥。凭高。天寒縞袂薄。風輕繡帶飄。自今朝。一捻腰肢。寬掩翠裙多少。(忒忒令)任雪花梅英鬪巧。憔悴人暗傷懷抱。此情此景。若與天知道。離恨比天更高。果然是。天知道。和天也瘦了。(五供養)青山頓老。收拾無人。滿地瓊瑤。蒼茫冬暮景。舉目總蕭條。笑我因花起早。聽滿耳

曲

選

靈禽聒噪。不報些兒喜。惹前熬。北風吹面利如刀。（好姐姐）一交黃昏  
 靜悄。孤另另銀缸相照。把燈兒漫挑。和衣剛睡着。誰驚覺。聲寒指冷難  
 難成調。偷弄飛瓊碧玉簫。（錦衣香）闌珊了錦字詩。差錯了瑤琴操。奴  
 分了交股金。帶折了連環套。鳳凰簪碎。那得堅牢。桃花源上不通潮。傷心  
 總是。兩葉風條。連枝樹杪。近生成恨種愁苗。魚雁無消耗。水闊山高。  
 紅絲繫足。誰把并刀雙攪。（漿水令）不索把蒼穹禱告。一任他旁人戲嘲  
 。名香夜夜對天燒幽情未訴。意攘心勞。從前事。都忘却。只求眼下他來  
 到。鴛鴦被。鴛鴦被。重熏麝腦。銷金帳。銷金帳。慢飲羊羔。（尾聲）  
 愁容等得生歡笑。說甚暮冬天道。翻成月夕花朝。

隱述

明馮海浮

（仙呂入雙調朝元令）山光水光。寫出瀟湘樣。詩狂酒狂。演就江湖量。小小  
 扁舟。隨波來往。眼底乾坤溶漾。星斗低昂。雙裾捲成風月囊。雨過輞川

莊。雲生綠野堂。高情見訪。休負了酒懷詩況。酒懷詩況。(前腔換頭)攜  
 取隨身藜杖。行過芳草塘。步步惹花香。得句掀髯。咨嗟欣賞。忽聽村童  
 嘲唱。一曲滄浪。爭如爾曹隨口腔。閃脫是非場。蹬開名利韉。高情見訪。  
 休負了酒懷詩況。酒懷詩況。(前腔)收攬烟霞色相。危峯下夕陽。汀  
 蓼纜孤航。醉伴鷗眠。夢驚漁唱。回首東山月上。千頃流光。神遊廣寒仙  
 桂涼。俯仰自成雙。徘徊再舉觴。高情見訪。休負了酒懷詩況。酒懷詩況  
 (前腔)睡穩梅花孤帳。醒來只半窻。身世兩相忘。旋釣河魚。新篘村釀  
 。常把眉頭開放。散步徜徉。神仙已傳不老方。買斷水雲鄉。相鄰蓬島旁  
 。高情見訪。休負了酒懷詩況。酒懷詩況。



中華民國十六年十一月印

每册定價三角五分

編輯者 吳梅

印刷者 國立第一中山大學出版部

發售者 國立第一中山大學出版部  
暨廣州各大書坊



2

430